

**Problema di
Horeca no
ta mara na
scarcedad di
trahado so**

Minister a reuni Consul General Mericano riba tereno economico



ORANJESTAD (AAN): Minister Geoffrey Wever a reuni cu Sr. Ramon Negrón, Consul General di Merca pa Aruba. E reunion tabata productivo, tocando diferente punto economico di importancia pa ambos Aruba y Merca.

E reunion entre Minister Geoffrey Wever y e Consul General, Sr. Ramon Negrón, ta pone énfasis riba e importancia di cooperacion riba tereno economico y di seguridad.

E relacion entre Aruba y Merca ta un di e destinacionnan turistico preferi di Mericanonan, y ta cas di diferente inversionnan multi-miynario Mericano, entre otro den turismo y energia, cu a traves di e añanan a/ta contribui enormemente pa e desaroyo economico di Aruba. Nos relacion cerca cu Merca ta wordo ilustra tambe door di e U.S. Customs and Border Protection (CBP) Preclearance cu tin na aeropuerto di Aruba, un di e dies-seis (16) na mundo, y ta importante pa nos preserva e cooperacion aki, mirando CBP ta yuda aporta na seguridad di ambos Merca y di Aruba.

Tin necesidad pa mantene un dialogo habri riba cooperacion economico. No ta secreto cu tariffs implementa pa Merca, y cualkier accion retaliatorio di otro paisnan (Canada, Mexico, China, EU) lo tin efecto riba costo. E aumento di costo aki ta wordo pasa pa e productonan den forma di aumento di prijs. Mayoria di productonan importa na Aruba ta bin via di Merca, pues nos lo ta indirectamente afecta pa e desaroyonan aki.

Durante e reunion minister Wever a trece esaki dilanti como un preocupacion, di cual lo comparti informacion necesario tocante e impacto cu e desaroyonan aki tin riba Aruba. Ministerio di Asunto Economico a bin ta monitor e situacion aki di cerca, y mirando cu continuamente tin desaroyo e departamentonan concerni lo sigui documenta y 'update' e efectonan.



Comunidad tin derecho pa sa resultado di Screening

■ Segun fraccion di PPA

- Tambe pa haya sa kendenan ta posibel futuro ministernan
- Proceso ta tardando demasiado

Asociacion di Timeshare a reuni encuanto accesibilidad di beach



ORANJESTAD (AAN): Recientemente Aruba Timeshare Association su miembronan a bini hunto den un encuentro cu dos entidad gubernamental hopi importante: Departamento di Infraestructura Publico (DIP) y Cuerpo Policial Aruba (KPA). Ambos representante di DIP y KPA a papia den detaye tocante ROPV y beleid di beach relata na hotelnan y

operacionnan di companianan di watersport rond di e isla.

E sesion di informacion riba regulacionnan actual tin un relevancia grandi pa tur stakeholder, cu e meta pa brinda un experiencia di beach na nivel halto y di prome clase na tur bishitante y local, salvaguardando e acceso na tur hende den comunidad.

E invitacion n'e encuen-

tro tambe a keda extendi na Security Directors y Managers di e resortnan di timeshare. E encuentro a brinda conocimiento valioso den loke ta e regulacionnan actual y ofrece un oportunidad pa esnan presente haci pregunta. Preguntanan a worde manda di antemano y nan a worde contesta detayadamente pa medio di e autoridadnan presente.



Cuminsando cu 4 florin, bo por gana e suma grandi aki

Afl.

210.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



CEO di ATA, Ronella Croes ta comenta:

Problema di Horeca no ta mara na scarcedad di trahado so

• *Pero na e prioridadnan cu e generacion nobo di trahado tin*

ORANJESTAD (AAN) Aruba Tourism Authority (ATA), no ta mucho envolvi den e situacion di scarcedad di trahado, den e sector di HORECA.

Señora Ronella Croes, CEO di ATA, den entrevista cu DIARIO a menciona cu tin hopi cu ta poniendo esfuerso den e asunto aki.

El a expresa cu e esfuerso cu ATA ta bay pone ta riba e otro parti, ya bisa cu esaki no ta e punto primario pasobra anecdota ta muestra cu tin mehoracion den e paketenan cu ta wordo

ofreci.

El a bisa cu investigacion mester wordo haci riba aspecto primario y secundario.

“Mi ta kere cu hotelnan ta hopi conciente tambe, cu no ta algo mara na escasez laboral, pero si na e generacion nobo di trahadornan cu nos ta deal cu ne, pero simplemente otro cosnan cu ta prioridad pa e generacionnan nobo, cu tin cu forma parti di e forza laboral. Nos por conta cu e cadenan hotelero cu tin akinan, cu no ta situa solamente na Aruba, pero cu globalmente nan tin e



programanan pa por sigur duna esaki mas atencion. Y atrobe, anecdota ta si, cu mi sa di varios hotel cu no ta traha seis dia pa siman, pero cu mas posibilidad ta wordo

duna na cuanto dia bo ta traha, y manera bo ta traha no ta bay solamente pa e parti primario di un paquete di compensacion, pues bo salario, pero e parti di beneficiannan secundario tambe; nos ta mira e movencionnan den e direccion ey”, Ronella Croes a señala.

El a agrega cu esey lo mester haya atencion, si no lo no por bay retene e forza laboral cu nan

tin, cu hopi ta bringa pa haya, pasobra nos tin e parti di escasez.

“Si mester bisa cu den reunionnan di AHATA, representando e hotelnan cu ta miembro, nos por bisa si, cu nos tin cu cuminsa pensa den un formula y e manera di pensa na Aruba mester ta cu kizas no mester tin un grado di ocupacion di 85 of 86%. Kizas esaki mester baha, permitiendo mas espacio pa miho servicio, menos presion riba cuanto hende bo mester pa traha, pero mas presion y enfoka riba e calidad cu bo ta provee, p’asina bo por sigui eleva e calidad y cantidad di loke nos ta keda atras cu ne den nos economia. E ingreso cu nos ta keda cu ne”, Ronella Croes a señala.

Ministerio Publico:

Detencion alarga pa sospechoso di delitonan sexual



ORANJESTAD (AAN): Ministerio Publico a informa cu Hues a dicidi diabierna, riba peticion di Fiscal di Husticia, pa duna ordo pa detencion (gevangenhouding) di e sospechoso S.R.K. pa un termino di 90 dia, den cuadro di un investigacion di delitonan sexual.

Prome cu e periodo aki termina, e sospechoso mester wordo presenta (pro-forma) dilanti Corte den Prome Instancia. Segun vocero di Ministerio Publico, e investigacion ta continua.

DANKI MAESTRO BENJAMIN

TESTIMONIO DI GRADICIMIENTO



Mi kier gradici Dios y Maestro Benjamin. Mi nomber ta Chaira Maduro, naci dia 11 di Mei 1970. Mi kier conta mi storia. Mi tabata sufri di hopi dolor di barica y esey tabata causa cu mi no por a drumi, mi cabai a cuminsa cai y mi huñanan tambe. Mi tabata sinti hopi malo y desespera. M’a perde tur speranza y ma visita hopi dokter, te asta bruhanan m’a bai, pero nunca nan tabata curami. Y un dia mi a wak un mensahe den corant di e Maestro Benjamin y m’a dicidi pa yam’e y m’a bai bishit’e y e ora ey m’a haya sa cu mi ex pareha a hacimi un bruheria pa mi muri lentamente. Pero danki na Dios y na e Maestro Benjamin pa curami y kita di mi bida e bruheria ey di mi culpa y di mi bida. Awe mi ta sinti felis y gradeci cu e Maestro Benjamin. Si bo persona ta lesando e testimonio aki, no duda pa yama Maestro Benjamin, bo lo no arepentí di esey. Yama 6414186

CEL/ 641-4186

Fraccion di PPA

Comunidad tin derecho pa sa resultado di Screening

- *Tambe pa haya sa kendenan ta posibel futuro ministernan*
- *Proceso ta tardando demasiado*

ORANJESTAD (AAN): Otmar Oduber di Fraccion di PPA ta considera cu e screening di ministernan ta un problema, e ta tardando hopi. E ta indica cu a core pasa leynan pa pretende purba ta integro, di muestra transparencia y muestra mas santo cu Papa di Roma, pasobra mayoria den Parlamento a vota na favor di ley di screening. Hopi di esnan cu a vota posiblemente lo kier mira rubira bek y mira si a vota corectamente of no. Mes-cos ta e caso di e ley di financiamiento di partido politico. “A crea un ley cu a fomenta pa mas cosnan menos transparente tuma lugar y no ta crea nada di e integridad cu bo ta buscando pa comunidad por haya un miho bista of sentimento cu tin mas control/screening ta tuma lugar pa tin e miho calidad den politica, sea di partido of candidatonan”.

Opinion di Otmar Oduber ta cu e ley di screening mester conta pa e persona cu ta bira minister, pa su casa y famia cu cual e ta biba. Pero na momento cu ta bay mas leu cu esey, por ehempel, no tin control riba ken you ta namora di dje of un ruman cu no ta biba bou mesun dak por ta involucra den dje. Door cu Aruba ta un sociedad chikito, e proceso di screening ta bay hopi leu y cu lo por hasta haci imposibel cu no solamente politiconan actual, pero futuro politiconan tambe, ya cu un di su famianan a haya sum es envolvi den actonan cu no ta conforme reglanan cu tin.

“Ta preocupa mi cu dos partido/persona cu a vota na favor di e ley di screening ta papia di bay revise. Mester bay wake di cerca, mester wak si enberdad loke ta contene den e ley aki ta bay mucho leu of si ta den e caso aki e candidatonan specifico di Futuro y/of AVP cu ta wordo grescreen ta haya



nan den problema pa motibo di e proceso di screening cu mester tuma lugar”.

Loke Otmar ta haya absurdo den su totalidad ta cu ta bay pa mas cu un of dos luna pa loke ta trata screening, pero na ningun momento tin un update di con e proceso ta bayendo. Riba e posicion cu mester respecta privacidad di hende, e miembro di Par-

lamento ta bisa cu na momento cu na momento cu a postula riba lista y a dicidi di bira minister, no ta existi privacidad, independiente si a haya sa cu psicológicamente no ta bon, of cu ta consume droga, of cualkier otro situacion. “Mi ta kere cu comunidad tin e derecho pa sa kico e resultado ta di e screening aki, sino bo no mester a postula bo mes”.

A tene reunion cu e Taxistanan nobo



ORANJESTAD (AAN): Esaki ta e asina yama “Onboarding Session” cu a ser teni hunto cu e Taxistanan kendenan recientemente a ricibi nan permiso di “Tx”.

Cu presentacion di entre otro Departamento di Transporte Publico, Aruba Certification Program, Aruba Conservation Foundation, Ministerio di Transporte, y RBC, unda a toca puntonan di atencion manera e necesidad pa servicio anochi, cumplimiento cu belasting, maneho y ley, opcionnan pa regla pensioen y demas informacion/guia cu ta disponibel na taxistanan como entrepreneurs.

Dialuna y Diamars nan lo bay renoba e Verkeersplateau aki

ORANJESTAD (AAN): E pida verkeersplateau aki cu tin riba Irausquin Boulevard, net dilanti di e Casino di Hyatt Regency Aruba ta bay wordo renoba.

E no ta den condicion pristino mas, y ta bay wordo construi. Segun DOW a splica, e trabao aki lo bay dura dos dia.

E prome dia lo bay ta riba Dialuna 24 di Maart 2025, for di 5:00 am te cu 1:00 pm.

E siguiente dia lo ta Diamars 25 di Maart 2025, for di 5:00 am te cu 1:00 pm.

Segun DOW, e ruta di desviacion lo keda indica cu borch y baricada di aviso.



E magia positivo di Evelyn Wever-Croes a bira un canto nacional 2025

Himno y Bandera di Aruba a bira explosion di speransa y alegria

**Betico Croes a logra su proposito pa entrega Pueblo animo continuo*

**Union, canto, baile, a entrega Aruba atrobe su ingrediente principal*

ORANJESTAD (AAN) — Algo sumamente grandi a pasa e siman aki na Aruba, cu durante ultimo lunanan, a cay den tension, preocupacion hasta negatividad sin por mira e luz cu for di 2017 a bira e forza pa Aruba haci cosnan grandi.

Durante ultimo añanan, Aruba a bolbe na e aurora di e pais Aruba, den cual e mentalidad di lucha, union nacional, optimismo a haci posibel pa dirigi pa Betico Croes, Aruba por a introduci e sistema di Status Aparte como su base legal nacional.

Pakico Betico Croes a bolbe entrega prueba di ta un Arubiano di alma y curazon, a bira visto den e hecho cu e no a scoge pa bay sinta na mesanmundial exclusivo, pero a dicidi pa un Himno y Bandera cu por a uni tur Arubiano na momentonan mas dificil di su historia.

Cu salida di Betico Croes, Aruba a experencia atrobe e mundo di crecimiento den riqueza y sabiduria impone pa clase social y bukinan importante cu hopi bez esnan cu kier a manda, ni sikiera a comprende pa por a aplica loke nan a leza.

E spirito di animo y alegria humano di Betico Croes, a bolbe cu e entrada di Evelyn Wever-Croes cu mescos cu Betico Croes a bira lider cu no ta impone y bira “importante”pero lider stima, cu ta bira Pueblo pa hunto enfrenta tur adversidad.

Durante e epoca di gobernacion di Evelyn Wever-Croes sigur ta resalta e forma humilde y trankil cu e tabata confronta conflictonan cu ta presenta den tur famia, tur pais, henter mundo.

Pero cu habilidad, Evelyn Wever-Croes no tabata busca “corona di gobernamte”, pero mas bien ta bira e serviente humilde cu ta bay en busca di solucion hunto cu e Pueblo di cual e ta directamente parti integral y no un rey chikito sinta den un forti di poder.

Esaki a bini dilanti na 2025, cu despues di hopi aña, Aruba for di eleccion 2025, a bolbe cay den un situacion di separacion di color di partido, separacion di tur loke ta haci posibel pa sostene rabia, confrontacion, falta di armonia, cu ta kibra e positivismo y nacionalismo asina esencial pa Pais pa conoce alegria.

For di December 2024, un aire diferente a manifesta su mes na Aruba cu a mira un caida enorme den hasta huelga, discusion, problema durante e gobernacion di Evelyn Wever-Croes.

E positivismo di Evelyn Wever-Croes, cu tin e capacidad di Betico Croes pa pone Pueblo mira cosnan grandi pa e pais y no cana continuamente en busca di di material, posesion y posicion, tabata e magia di 2017 pa 2024 y a rementa dia 18 di maart 2025 ora Pueblo a celebra e dia nacional di Aruba.



Mas cu nunca Aruba a coy su bandera y cantando su himno a lanta para, uni den un totalidad di e herencia di e heroe nacional Betico Croes, cu no solamente a entrega Aruba Status Aparte, pero a entrega Aruba un pakete total di felicidad personal y comunitari, cu a culmina dia 18 di Maart 2025, ora porfin for di fin di 2024, Pueblo di Aruba por a grita, canta, baila, sin cansa, mainta, merdia y anochi, uni cu otro como familia Arubano uni pa su himno y bandera.

Evelyn Wever-Croes na momentonan sumamente importante pa Aruba, ta sigui entrega Aruba animo, hancra

den e Himno y Bandera di Aruba Dushi Tera, cu politica barata y egoista ta kita for di Pueblo.

18 di Maart 2025 a bira un dia di hubilo nacional ora, na momentonan di falta di un rumbo fiho di gobernacion, Aruba a coy su bandera, a canta su himno, y a tene man pa sigui cana den e union Arubano, cu a bira e herencia di Betico Croes!

Di e forma aki, Aruba a bolbe subi e caminda cu a hiba na 1985, caminda por a trata na horta e logro y herencia cu Betico Croes a laga atras pa henter su pais, pero no a logra pasobra Aruba ta un pais, un familia cu ta sigui crece den amor, union y alegria capaz di kibra tur obstaculo y falsedad, pa alcansa su felicidad real!

DVG ta haci un yamada na tur esnan cu falta pa haci nan test di Tuberculosis pa presenta

ORANJESTAD (AAN): Departamento di Salud Publico ta haci un yamada na tur persona cu tin pendiente un Tuberculosis test pa haci na seccion di Malesanan Infeccioso, sea pa por ricibi nan permiso di estadia, pa trabou, pa motibo di salud of cualkier otro motibo, pa pasa riba un di e siguiente dianan aki bou pa haci e test:

Dialuna dia 24 maart, entre 3:00 cu 6:00 di atardi
Diamars dia 25 maart, entre 3:00 cu 6:00 di atardi

E dos dianan aki riba menciona ta e unico dos dianan cu e servicio pa



pone e test di Tuberculosis lo ta disponibel durante e orarionan aki cu no ta orarionan regular. Despues di e dos dianan aki cu ta 24 y 25 di maart tur persona mester pasa pa e test di Tuberculosis na nan oficina durante orario regular di trabou cu ta riba dialuna of diamars entre 7:45 cu 11:30 di mainta y 1:15 cu 3:30 di atardi.

Pa mas informacion por tuma contacto cu servicio di Malesanan Infeccioso.



**TRABOU DI MANTENCION
DEN TRANSFORMATORHUIS
NA SEROE COLORADO**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Dialuna, 24 di maart 2025
9:00 am te cu 3:30 pm**

Den vecindario di:

• Seroe Colorado (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



ELMAR

Alhambra

CASINO AND SHOPS

Serving our guests for over 40 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment.

Surveillance Operator

Overall Requirements:

- Applicants should be responsible, friendly, outgoing and service oriented.
- Must be Fluent in English, Dutch, Spanish and Papiamentu oral and written
- Teamwork.
- Able to work shifts and Holidays.
- Basic knowledge in computer. (Windows, excel, word and outlook)
- Preferable good physical condition.

Additional Requirements:

- Knowledge of all Casino Games.
- Excellent observational and communication skills.
- Good writing skills.
- Computer knowledge, (Position requires the extensive use of a variety of computer applications.)
- Background in gaming surveillance highly preferred.
- Able to work under pressure.

Security (Male)

Job Requirements:

- Must be able to prepare reports.
- Serious person and flexible with schedule.
- Knowledge in computers and Outlook is a plus.
- Good communication skills.
- Must be in good physical condition.
- Able to work all shifts, weekends and on Holidays.
- First Aid and CPR Knowledge are a plus.

Cleaners

Job Requirements:

- Basic knowledge of English, Spanish and Dutch.
- Able to work shifts, weekends and Holidays.
- Good communication skills.
- Preferable some experience with chemicals and cleaning products.
- Outgoing personality.
- Team work.

We Offer: • Pleasant work atmosphere / • Competitive salary / • Attractive benefits / • Opportunity to grow in the company.

Apply in person from Monday through Friday at the Human Resources Office, from 8:00 a.m. - 4:00 p.m. or email: J.Geerman@divisino.com

Attn. Ms. Jane Geerman - Human Resources Manager. **Please bring picture**

Valid Government ID required. * You will be required to take a drug test, before hiring * Must be Aruban Citizen

En conexion cu tratamiento di Presupuesto 2025

Gobierno a entrega un di dos Nota di Cambio den cual ta hisa e subsidio cu 2,7 miyon florin

**Ta destina 17 miyon florin pa FCCA por traha mas cas social*



ORANJESTAD (AAN): Pro-me cu e reunion pa trata Presupuesto 2025 a tuma luga, Minister Maduro di Finansa a entrega un di dos Nota di Cambio di Presupuesto 2025 na Parlamento, den cual ta hisa e suma di subsidio na FCCA cu 2,7 miyon florin y ta aloca 17 miyon florin pa FCCA por traha cas social.

E ta conoci cu for di basta tempo FCCA tin un reto grandi pa por yega na financiamiento na interes reduci pa por traha mas cas social pa

esnan mas necesita na Aruba. Tin un lista di espera grandi pa casnan social, pero e re-curso financiero di FCCA no ta yega pa por traha e casnan necesario. Na varios ocasion FCCA a reuni cu Gobierno riba e reto aki pa hunto busca un posibel solucion pa asina por yuda yega na e financiamiento necesario pa FCCA por baha e lista di espera di casnan social.

E solucion mas factibel ta pa Gobierno presta FCCA e placa aki pa asina

FCCA por traha e vivienda-nan necesario, locual den pasado a yega di pasa caba. Awo cu Gobierno a traha espacio fiscal y tin surplus, Gobierno por aloca 17 miyon florin pa asina FCCA por haya un fianza cu ta permiti FCCA cuminsa traha casnan social y hogarnan pa nos grandinan.

E di dos Nota di Cambio cu Minister Maduro di Finansa a presenta na Parlamento ta aloca tambe un subida di e subsidio di Gobierno na FCCA cu 2,7 miyon florin structuralmente pa asina FCCA por sigui tene e prijs abou pa e huurnan di e casnan social. Esaki ta un peticion di FCCA di hopi aña caba y cu awo Gobierno por cumpli cune debi na e espacio financiero cu e surplus ta trece cune. Minister Maduro di Finansa ta spera cu pronto Parlamento por trata y aproba Presupuesto 2025 pa asina FCCA por conta cu e fondonan necesario.

TOELICHTING PER WIJZIGING BIJ DE MINISTERIES

Ministerie van Financiën en Cultuur

Kosten

Overdrachten

Door een benodigde indexatie van de huurprijzen van de woningen van Fundacion Cas Pa Comunidad Arubano (FCCA) dient de huursubsidie met Afl. 2.699.000 verhoogd te worden. De verhoogde huurprijzen worden vervolgens volledig door het Land middels huursubsidie gedragen.

Kapitaaluitgaven

Lokale kredietverlening

Fundacion Cas Pa Comunidad Arubano (FCCA) heeft al een tijd niet voldoende middelen om nieuwe sociale woningen te bouwen. Om nieuwe projecten te financieren wordt een lening aan FCCA verstrekt. Dit omdat de huidige kostendekkende huurprijzen met marktconforme financiering hoger liggen dan de maximum huur onder het subsidiebeleid.

De minister van Financiën en Cultuur,

De minister van Algemene Zaken, Innovatie, Overheidsorganisatie, Infrastructuur en Ruimtelijke Ordening,

Diabierna tabatin problema cu coriente na Paradera

ORANJESTAD (AAN): Diabierna mainta un componente di coriente cu a sufri daño, a pone cu parti di area di Paradera a keda sin coriente.

Mesora personal di NV Elmar a mobiliza pa e area, pa asina check kico ta e causa di e problema. Di trempan nan a bin realiza cu tin un fayto cu un componente cu a sufri daño. Pa 10:45 am, a tuma decision pa bay cambia esaki y pone uno nobo.

E trabao di drechamento a dura como 45 minuut, y pa exactamente 11:30 am, tur hende den Paradera a haya coriente bek.

Sin duda alguno un palabra di pabien y danki na NV Elmar cu a sa di fix un problema asina rapido pa minimo di estorbo na comunidad.

Deloitte.

Recruitment & Selection

On behalf of one of our clients in Aruba, Deloitte is looking for candidates for the position of **Managing Director.**



©2025 Deloitte Dutch Caribbean

For more information, scan the QR-code, call us at +297 5286200, or send us an e-mail at hrm@deloitte.cw



Activacion di e Sistema de Alerta Trempan ta representa un logro historico den e strategia di manejo di desaster na Aruba



ORANJESTAD (AAN): Crisis Management Office Aruba (CMO) a realiza un ceremonia oficial diahuebs 20 di maart 2025 na Sasaki, marcando e activacion di e Sistema di Alerta Trempan (EWS) di Aruba. E avance aki ta representa stap grandi den e esfuersonan di preparacion y resiliencia na emergencia riba e isla.

E ocasion a reuni un funcionario clave y socio involucra den e desaroyo di e Sistema di Alerta Trempan. Director di CMO, Eurico 'Rino' Hermans, hunto cu Prome Minister Evelyn Wever-Croes, Jeff Whattam di CentraAlert, Daniela Stoyanova di RESEMBID y Humphrey Vrolijk di DEA-CI, a devela un plakkaat conmemorativo cu ta marca e activacion oficial di e sistema.

Na e ceremonia a asisti mandatario, hefe di diverso entidad publico y

partinan interesa cu a fungi un papel fundamental den e realisacion di e proyecto aki. Edward Turvill, Gerente Senior di e Programa di Resiliencia di RESEMBID, a elogia e esfuersonan colectivo di e comunidad di respuesta na emergencia di Aruba, afirmando:

"Henter e ekipo di CMO y tur e partinan interesa involucra den e esfuerso aki merece reconocimiento. Aruba ta destaca como un lider entre e Pais y Teritorio di Ultramar den Caribe, logrando un progreso significativo den un corto periodo di tempo. E logro aki ta demostra e compromiso di Aruba cu resiliencia y desaroyo sostenibel."

E Sistema di Alerta Trempan ta diseña pa fortalece e capacidad di Aruba pa detecta y responde na posibel menasa, garantizando cu e alerta ta yega na tempo na



publico y e agencianan al caso. Danki na e colaboracion di CentraAlert, RESEMBID, Union Europeo y experto local, e sistema ta desaroya cu tecnologia avansa pa duna comunicacion inmediato y confiabel den tempo di crisis.

Prome Minister Evelyn Wever-Croes a enfatisa e importancia di e responsabilidad comparti den preparacion pa emergencia. Den su discurso, a destaca cu preparacion pa desaster no ta djis responsabilidad di gobierno, pero cu cada ciudadano mester asumi un rol activo den informa y educa su mes riba con pa reacciona na un emergencia.

Despues di e ceremonia di develo, a realiza e simulacro anual di emergencia Caribe Wave, coincidiendo cu e activacion di e sistema. Mas di 75 institucion publico y priva a participa den e ehecicio, ehecutando su respectivo plannan di emergencia



y evacuacion. E simulacro regional di preparacion pa tsunamis, cu ta tuma luga riba e di tres diahuebs di maart, ta un prueba fundamental pa e coordinacion di emergencia y conscientisacion publico.

Den e simannan nos dilanti, CMO lo hiba un campaña di conscientisacion publico pa brinda informa detaya tocante e Sistema di Alerta Trempan, su funcion y con publico por prepara miho pa un situacion di emergencia. E iniciativa aki tin como objetivo garantiza cu cada resi-

dente y bishitante di Aruba ta bon informa y sa con pa reaccion di manera efectivo den momento di crisis.

E activacion di e Sistema de Alerta Trempan ta representa un logro historico den e strategia di manejo di desaster na Aruba. Crisis Management Team Aruba ta extende su gradicimento na tur stakeholder, agencia y persona cu a contribui na e esfuerso aki, reafirmando e compromiso di Aruba cu seguridad, preparacion y resiliencia.

Den su discurso durante Acto Protocolar,

Prome Minister a expresa su admiracion pa e manera cu muchanan ta celebra Dia di Himno y Bandera



ORANJESTAD (AAN): Diamars mainta a tuma luga e Acto Protocolar di e celebracion di Dia di Himno y Bandera. Prome Minister Evelyn Wever-Croes durante su discurso a papia riba diferente tema. Un tema a trata di su admiracion pa e muchanan di Aruba en cuanto celebracion di Dia di Himno y Bandera.

Prome Minister a indica durante su discurso cu desde cuminsamento di e luna aki por a sinti caba e vibracion pa loka ta e celebracion di nos Dia Nacional. Por ehempel e festivalnan di canto y poesia cu composicionnan y interpretacionnan sumamente bunita reflehando e amor pa nos pais; e ferianan cultural rond di henter nos isla; e marcha cultural di Colegio Pastoor Kranwinkel na Paradera siman pasa diabierna; e Manifestacion Cultural na Plaza Betico Croes cu un explosion di creatividad, innovacion y amor pa nos patria.

“Den number di Gobierno di Aruba mi ta gradici tur esnan cu a hasi tur e eventonan aki asina exitoso. Den number di pueblo di Aruba mi kier expresa un danki special na nos maestro- y maestranan pa e forma con nan ta prepara nos alumnonan y celebra cu nan, nos Himno y nos Bandera. E aña aki mi tabata tin e honor di bishita varios scol atrobe, y e recepcion tabata hopi caluroso. E parti mas special ta keda, na momento cu mi mira tur e alumnonan di scol, para hunto y uni dilanti nan scol. Y riba nan cara expresion di inocencia, entusiasmo y speransa, hisando e bandera y cantando e himno, “uit volle borst”, manera na Prinses Amalia School siman pasa.

Danki pa sigui inculca den curason di nos muchanan, e amor pa nos Himno, nos Bandera y nos dushi Aruba. Asina, unda cu nan bai riba mundo, nan lo ta un em-



bahador di Aruba, y representa Aruba dignamente. E ora nos por ta tranquil, cu ora yega nan turno, nan lo cuida y stima e pida baranca aki, mes of mas hopi cu nos ta stim’e y ta traha p’e”, Prome Minister a expresa.

ANUNCIO

SETAR ta informa cu debi na trabounan di mantencion lo por tin interrupcion di servicio di Mobile Data, Mobile Voice y SMS.

- Cuminsando diadomingo 23 di maart 2025 pa 11.00 pm te cu dialuna 24 di maart 2025 7.00 am.

Si e device perde conectividad, ta pidi pa restart esaki.

Nos disculpa pa cualkier inconveniencia.



Bonaire a bin check con Aruba ta atende caso di Dump y Adultonan Mayor



ORANJESTAD (AAN): Diaranson mainta, Ministro demisionario Ursell Arends a reuni cu Diputado Nina Den Heyer di Bonaire unda a toca diferente punto di atencion cu e Isla di Flamingo ta sondeando solucion ariba.

E temanan cu a enfoca ariba durante e reunion ta Adulto Mayor y Dump. Na final di dia loke ta pusha progreso y cambio ta boluntad politico di berdad pa atende cu problemanan di decadanan largo.

Desperdicio y Adulto Mayor ta dos tema cu durante Gobernacion 2021- 2024 a demostra prioridad pa cu esaki y nan a gradici e delegacion di Bonaire pa sinta cu nos riba e dos tema importante aki.

Mas contexto: Na 2022 a comunica cu mayoria di candela riba dump di Parkietenbos tabata wordo sendi intencionalmente. Esaki por ta simplemente di mala fe individual of pa pusha metanan politico. Te asta un investigacion a demostra esaki ora Minister Arends a haci denuncia cu prueba.

E mesun problema aki Bonaire tambe ta enfrentando mirando cu diamars anochi ultimo nan a bolbe enfrente cu un candela riba nan landfill. Un problema cu Aruba tabata tin problema cune tambe, pues door di coopera cu otro den Caribe nos por intercambia maneho, estructura, sistema y ideanan pa atende cu problemanan cu nos tin en comun.

Parlamentario Otmar Oduber

No tin claridad riba presupuesto 2025 ni Rijkswet door di pelea den e matrimonio cu no tin fin di yega altar

ORANJESTAD (AAN): Parlamentario Otmar Oduber comentando riba e proceso di formacion di gobierno, cual ta tardando, a bisa cu esaki ta un situacion inusual, apesar cu den pasado tabatin formacionnan cu a tarda, pero e circunstancianan tabata totalmente diferente.

Aproximadamente 2 luna pasa Oduber a declara cu e formacion aki ta manera un matrimonio caminda cu e dos partnernan no tin confianza den otro y ta marando e matrimonio na un cantidad di condicionnan.

Awe mas cu 100 dia despues di eleccion no solamente no tin confianza y ta poniendo un cantidad di condicion, pero aparentemente prome cu e matrimonio ta existi ya caba un competencia di ken ta bisti carson na cas.

Cierto momento partido AVP a sali papia di 9 minister, Futuro a bisa claramente ta 7

sino fono. Esey tabata e prome 'pelea' publico cu tabatin, despues a sigui e parti cu a bisa cu lo bin cu mini ministers, partido AVP a bisa cu tin pensa den bin cu un forma di Secretario di Estado, Futuro a bisa publicamente un biaha mas cu categoricamente esey no ta bay tuma lugar.

Igualmente por menciona e compromiso di 700 Florin cu AVP tabatin cu e pensionadonan, pero a defraudanos grandinan y mester a dobla pa Futuro cu a bisa cu ta 250 Florin ta duna awor aki. Recientemente por a mira esaki un biaha mas ora kier a nombra un minister plenipotenciario, partido AVP a bin dilanti y muestra practicamente ken ta e candidato, den e caso aki Sra. Desiree Croes, un persona sumamente bon prepara y pa cual Otmar tin un respet grandi pe. Futuro a bolbe sali y bisa claramente cu ta Futuro



ta dicidi ken ta bira minister plenipotenciario.

Preocupacion grandi cu Fraccion di PPA tin na e momentonan aki ta cu ta na 10 dia cu mester atende cu un presupuesto y falta menos cu un luna pa e decision cu mester tuma lugar pa loke ta trata e Rijkswet.

PPA a bisa categoricamente cu nan tabata contra e Rijkswet cu tabata riba mesa. Prome Minister a bisa cu esaki a wordo hala for di mesa y tambe aparentemente

tambe tabata decision di Consejo di Minister di Reino, pero ainda no tin un draft nobo riba mesa. Por a scucha si cu tin hopi conversacionnan y negociacionnan cu ta tumando lugar riba nivel di ambtenaar. Loke PPA ta opina ta cu no por existi un Rijkswet cu no ta respeta nos derecho constitucional y nos Parlamento. E mester duna oportunidad igual dentro di Reino pa sostene otro pa haya interesnan mas abou y respeta e derecho

cu nos tin como Arubiano y e lucha cu a worde hiba.

Otmar tabatin un conversacion cu Presidente di Parlamento caminda cu a mustre riba e echo cu ta violando e propio reglamento di ordo di Parlamento, pasobra Fraccion di PPA a pidi un reunion publico casi 40 dia pasa pa loke ta trata Rijkswet y nada ainda, siendo cu e reglamento ta bisa cu den 30 dia e mester wordo yama.

Esey kiermen cu ta papia di politica nobo, pero nada no ta cambia. E reunion aki ta importante pasobra e ora ey ta haya sa kico tur e fraccionnan den Parlamento ta para pe pa loke ta Rijkswet.

Mirando esaki, Fraccion di PPA ta preocupa cu no ta bin claridad pa motibo di e pelea cu tin den e matrimonio cu ainda no ta caba di yega altar y lamentablemente na final di dia ta comunidad di Aruba ta esun cu lo wordo invita pa entiero.

Miluska Sneek, Presidente di Fundacion Kidneys 297:

Rapport di salud ta ilustra un bon bista cu falta concientizacion bao poblacion

ORANJESTAD (AAN) Miluska Sneek, presidente di Fundacion Kidneys 297, a duna di conoce den entrevista cu DIARIO, cu e rapport di salud, ta ilustra un bon bista tocante locual e fundacion ta para p'e: cu falta concientizacion bao e poblacion.

"Anto e generacion nobo cu por haci hopi uso di e tecnologia y e parti unda bo ta haya informacion tocante locual mester sa encunto salud, of cualkier actividad fisico cu bo por haci y con por haci'e, e nota



suficiente.

"Pero e ta keda voluntad propio, cual e rapport tambe ta indica esaki; bo por tin hopi campaña, hopi informacion, bo por haci hopi cos pero e ta

keda na e persona mes pa sa cu esaki ta importante p'e, cu su salud mester ta prioridad pa e persona mes", señora Sneek a señala. Sneek a comenta cu e fundacion

ta purba cada bez cu nan tin un actividad of si nan ta traha conhuntamente cu otro partner, keda indica esaki, no solamente ora cu nan tin un lectura, y tur informacion ta riba Facebook. "Nos ta keda pidi e comunidad di Aruba tambe subi likes na e paginan di diferente fundacion, participa den cualkier actividad cu nan tin, pasobra esaki ta yuda concientiza otro", señora Sneek a señala.

El a reitera cu ta keda na e persona mes, pasobra malesanan cronico ta tarda hopi pa manifesta

complicacionnan, e ta un "silent killer" y esey ta keda pone hende kere cu nan tin tempo. "Anto ora bo haya sintomanan bo por ta den un stage alarmante, y esey ta haci cu e persona ta keda warda, ta haci un cambio un rato, e ta mira di e cambio resultadonan positivo anto e ta bolbe cay den e habitonan di antes", Miluska Sneek a enfatiza. El a agrega cu malesa di riñon ta bin ora hende ta sufri di sucu, presion halto, obesidad. Esaki ta e malesanan cronico cu por dañá bo riñon.

Dos homber y dos muhe ta involvi

Caso di pasamento di droga den KIA via drone posponi



ORANJESTAD (AAN): Diabierna mainta, dos hende muhe, esta L.T. di 22 aña, K.D. di 21 aña y e hombernan D.A. di 29 aña y R.P. di 28 aña di Rep. Dominicana, a presenta dilanti Hues pa e caso penal cu Ministerio Publico a cuminsa contra nan. Nan ta wordo acusa di pasamento di droga den KIA via drone. Riba peticion di abogado mr. Griffith di e damanan, Hues a pospone e caso.

Ta asina cu e hombernan D.A. y R.P. ta encarcela mientras cu e muhenan ta den libertad. Por a ripara cu e muhe L.T. ta na estado.

Pasa droga den kia via drone: E acusacion contra e hombernan D.A. y R.P.O. ta cu entre 1 Juli 2024 y 20 Augustus

2024, haciendo uso di un “drone” tabata hiba droga den KIA. E muhenan L.T. y K.D. lo tabata yuda cu transporta y e bende-mento di e droga.

Reclamo cu fiscal a pone mas acusacion: Promer cu Fiscal a lesa e acusacionnan contra e grupo, el a bisa Hues cu e kier pone mas acusa-cion pa e sospechosonnan. E acusacion cu a bin acerca contra e muhenan, ta cu Fiscal ta acusa nan di ta complice di a yuda cu e transporte di droga. Pa e hombernan L.T. y K.D. tambe Fiscal a pidi pa pone acerca un acusacion. Fiscal a bisa Hues cu e acusacionnan aki no ta cambia e caso. Abogado mr. Maldonado di e sospechosonnan homber, a bisa Hues

cu e no tin nada contra e acusacion cu Fiscal a pone acerca. Abogado mr. Griffith a bisa Hues cu e ta contra e acusacion di complice pasobra e no a prepara su mes pa e parti ey. E abogado ta haya cu e acusacion ey ta trece cambio den e caso.

Hues a dicidi pospone e caso: Hues, despues di a scucha e punto di bista di Fiscal y abogadonan, a pospone e caso un rato pa bay evalua. Ora Hues a bolbe, el a duna un spli-cacion hopi amplio.

Hues a bisa cu e ta aproba e acusacionnan pasobra nan no ta haci cambio den e caso. Sinembargo e caso contra e damanan, Hues ta haya cu esaki mester wordo posponi pasobra e ta compronde punto di bista di abogado,

cu no a haya tempo pa prepara e acusacion extra di complice den yuda cu e bende-mento di droga.

Hues a sigui bisa cu e pregunta cu ta surgi ta, con lo para cu e caso di e hombernan. Hues a spli-ca cu si trata e caso di e hombernan, e participa-cion di e muhenan tambe lo wordo papia ariba y si

Hues dicta sentencia di e hombernan, e no por trata e caso di e muhenan. E ora ey lo mester busca un otro Hues. Hues kier trata e caso completo y pesey a dicidi cu e ta pospone e caso completo pa motibonan practico. A keda dicidi cu dia 20 Juni 2025 pa 8:30’or di mainta lo trata e caso completo.



Comentario basa riba opinion publico

“Por favor bay eleccion nobo unda AVP y MEP por sinta hunto, pa caba!”

Skirbi pa: Mercedes Monge

(Basa riba opinion publico)

Ta parece cu den pueblo di Aruba enberdad mayoria di ciudadano ta cansa di tur e problema cu a surgi pa cu formacion di gobierno, esta Gabinete AVP-Futuro, y ta sinti cu esaki ta genera solamente inseguridad y kizas hasta retroceso den Aruba su desaroyo.

Ami no ta politico sigur, pero mi ta haya hopi interesante scucha e comunidad, y segun algun opinion publico cu a drenta na mesa di redaccion di DIARIO, riba cual mi ta basa e comentario aki, lo miho cu por sosode mas pronto cu ayera caba, ta bin cu eleccion nobo, y si e votadonan ta bolbe vota pa AVP y MEP forma un mayoria entre nan dos, pa nan sinta goberna, pues considera cu esaki ta e deseo mas relevante muestra pa pueblo, durante e ultimo dos eleccionnan.

E partidonan chikito no ta hayando asina tanto voto como pa kere cu ta nan e pueblo kier pa goberna. Contrario na esey, tin partidonan chikito cu ya caba a muri di morto natural.

Si e dos partidonan grandi ta uni cu otro, den gobier-no nan lo mester bira partner igual, cu nan bista y vision pa haci lo miho pa Aruba y saca e miho probecho di loke Aruba por logra y di loke pueblo por aporta na nos Pais. Locual ta pasando cu AVP y FUTURO no ta un muestra di politica madura, manera nan ta pretende, y mucho menos na bienestar di Aruba. E dos partidonan grandi mester stop di haci muchachada y actua como adultonan cu tin e potencial di haci di Aruba e miho pais di mundo, nan tin tur herment disponible, experiencia y conocimiento di Aruba y su historia, su lucha pa Status Aparte, di desaroyo di nos industria turistico, y etc. etc. Nan dos hunto ta un baul perfectamente documenta y sa kico exactamente Aruba kier y mester pa, por fin, tin un gobier-no mas solido y stabil y no wordo manipula mas pa partidonan chikito.



Corsou a bay urna electoral diabierna

Prome Minister a invita pueblo di Corsou pa sali bay vota

ORANJESTAD (AAN): Corsou a bay urna electoral. Prome Minister Evelyn Wever-Croes a expresa cu riba e dia di awe su pensamiento y curazon ta cu e pueblo di Corsou y cu e ta spera cu tur hende sali bay vota y expresa nan opinion pa asina por forma parti di e futuro di nan pais. Tambe e mandatario a expresa di ta spera cu cada persona tin respet pa opinion di otro,



pa na fin di dia democracia por wordo celebra.

Corsou y Aruba ta islanan ruman y ta enfren-ta e mesun retonan, pero semper nos a traha hunto y ora nos como pais uni, nos

ta logra cosnan grandi. Ta importante tambe pa e go-bierno nobo di Corsou por traha hunto cu e gobierno nobo di Aruba pa asina hunto por enfrenta cualki-er reto exitosamente.

“Mi ta spera cu tur cos bay bon y cu calmo pa na fin dia nos por mira kico ta e resultado di e votacion. Cu Dios bendiciona dushi Corsou” Prome Minister a expresa.

Columna E Sembrado



Diasabra 22 maart. Di dos siman di Cuaresma aña 2025 Ciclo C

Calendario Liturgico

Lectura: Mikeas 7, 14-15.18-20;

Salmo: 103;

Evangelio: Lucas 15, 1-3.11-32;

..E tata a core bay cerca dje, bras'e y sunch'e. Lucas 15, 20

Rumannan den Evangelio di San Lucas nos ta lesa e bunita parabola di e yiu perdi. Dos yiu, cada un cu nan mes un orguyo, buscando e felicidad caminda nan no por hay'e. E yiu chikito a kere cu den su orguyo e lo encontra su felicidad door di bandona su mayornan, su cas, su pais, hibando un bida di paranda y placer, y na final ta termina cu tristesa y remordimento. Den su dolor di fracaso, algo importante ta sosode, e arepentimento, caminda e ta reconoce su falta y kier busca pordon cerca Dios y cerca su tata. Di otro banda, nos ta mira e yiu mayo cu a kere cu simplemente cumpli cu deber di cas lo tabata suficiente pa encontra e felicidad, pero ta caba cu rabia y odio. E no ta sinti e felicidad di su tata, pero tampoco ta sinti e alegria cu su ruman a bolbe cas. Un orguyo di soberbia, no por perdona. Rumannan nos por faya den bida, pero ora nos reconoce cu nos a faya y busca pordon di Dios, nos lo sinti e abraso y sunchi di nos bon Dios. P'esey nos tambe ta yama pa duna e abraso y e sunchi aki, ora un ruman arepentí.

Oracion: Señor perdona mi si ma faya contra Bo y contra mi ruman. Amen.

Grupo Centro Pastoral

> SUDOKU <

Conceptis Sudoku

By Dave Green

1	5			4				9
8						4		
				3	6		1	
			2			1		
9		6				2		7
		5			8			
	8		1	6				
		7						1
6				5			3	2

Difficulty Level ★★★★★

10/22

HARI UN TIKI

Carlos a puntra su casa "Dushi bo lo kier keda riba cama, wak un película?"

"Si dushi, ta un bon idea!"

Carlos a contesta "Ok, hopi bon, e ora mi ta bay sali cu mi amigonan!"

BUSCA PALABRA

CONSUMO

L E U E X T S G F F C F N F K H B I K I
E V A Z N T Q W H F O A P B Y N Z H W W
B G Q R B L B C O P N I D H P X V Q I W
I M M L O C O V N O S Q U E I C E P S E
N L A A Z G W Y T C I E T N A L E D A O
E H E M P E L C A D D C C P F G B I U Z
T S S Y W V U X O M E I U F V Q H J E U
S V G S H D I O N B R Q H H W P O T J D
O Z B V O V Z H S X A E X P I J N N U N
S T C R K G E L S B L G N E Z E R V I O
Y K P Z X T G I J Z V A L K M N Y H C I
H D K H G O S T Q C N N A E A X T N E C
N O I C I B I H O R P Q T H N Q P B S A
D Q S Q H U T N E D F N N Z X T X V R R
L N G R A Y S T H D E T E E M P A K E O
G E O E B I O O J U Y Y M G L F I H U C
F K L I D B R A C R D T A Q Z G R U H E
A O V E C Y U E F V D Q L X W S Y O D D
N C R M V A S D L H X J G B Y J P C S H
D A I T B N N V I K C O E W A I R Z A C
M R K T O J F O O R J I R U R I K F X I
B W P C C T L A D P E D T B Z C Q R J Y
F T G R E A E R B J C C Y S Q H Z Z P P
R Y M X R Z R Z J A V I T Z A Y A P G F
W R C P W S E P C P T M O A M L U J T P
W V Z B G W B N Q S K H C N M T P J P Z
K L V Z E T K G Y H I M K N A E G R U Q
J Z X W E L H O H K I E Q H U L N K Q N
R H U L T Q O I L Y Y I J L U T R T C N
T F C L K E L C X T J G B O A M S S E U

ADELANTE
CONSIDERA
DIRECTAMENTE
EMPAKE
OPCIONAL
PRACTICA
REGLAMENTA
BOTERNAN
CONSIDERA
DONACION
ESPECIE
PISCA
PRODUCTONAN
SOSTENIBEL
CONSECUENTEMENTE
DECORACION
EHEMPEL
JUICE
PLASTIC
PROHIBICION

Answer to previous puzzle

9	8	1	3	7	4	5	6	2
2	4	3	9	5	6	8	1	7
6	7	5	2	8	1	9	4	3
8	6	2	4	1	7	3	9	5
1	9	7	6	3	5	4	2	8
3	5	4	8	2	9	6	7	1
4	2	8	1	9	3	7	5	6
7	1	9	5	6	8	2	3	4
5	3	6	7	4	2	1	8	9

Difficulty Level ★★★★★

10/21

Segun CEO di ATA mustrandu cu:

Inversion den seguridad ta esencial pa turismo y experiencia di e bishitantenan



ORANJESTAD (AAN): Ronella Croes, CEO di Oficina di Turismo (ATA) a duna di conoce cu nan tin un bista di loke ta pasando cu criminalidad y cu ta

afecta turismo. Tin datonan di polis, el a bisa, pero tin e 'feedback' y dialogo cu Cuerpo di Polis. Croes a indica cu nan ta haya datonan usual-

mente di Tourism Security Patrol Aruba cu ta cay bao di Aruba Hospitality & Security Foundation (AH&SF).

E ta resalta e importancia cu ATA ta duna esaki y el a menciona cu na 2011 ATA a tuma e financiamiento di AH&SF over. Esey ta e momento cu ATA a bira independiente y a dicidi cu ta bay carga e fundacion aki.

Na 2015, ATA su colaboracion tabata di 720

mil Florin y den e presupuesto di e aña aki tin 2.5 miyon Florin. Cu e fondonan aki cu ta locual e turistanan ta paga (Touristenheffing), no solamente a mas cu redobla e contribucion, pero pa medio di esaki por papia awor di un ekipo similar na Visibility Team, cu ta den hopi di e zonanan basta ocupa pa e turistanan. Nan ta raporta mensualmente kico ta loke nan ta encontra, Ronella Croes a indica.

Aworaki Aruba ta

den temporada halto y tin mas incidente tambe. E incidentenan ta varia di robonan chikito, pero hopi di e asistencianan tin di haber cu asuntonan di hospitalidad manera preguntanan di unda pa bay, con pa yega un caminda, con pa haya un botica, etc.

E intension ta pa bay amplia esaki pa asina wak con por sigui yuda KPA den locual ta e trabanonan, Ronella Croes a remarca.

UN SNECHI DI PALABRA DI DIOS



III DIADOMINGO DI CUARESMA 23.03.25 #512

I lectura: Ex 3, 1-8. 13-15

Salmo: 103

II lectura: 1Cor 10, 1-6.10-12

Evangelio: Lc 13, 1-9

Den e tempo aya algun hende a yega y conta Hesus tocante e Galileonan, cu Pilato a laga mata ora nan tabata ofrece sacrificio; nan sanger a mescla cu esun di e bestianan. El a contesta nan: "Boso ta pensa cu e Galileonan ey tabata mas pecador cu tur otro Galileo, pasobra esey a pasa cu nan? Absolutamente cu no! Ma si boso no converti, boso tur lo caba na nada mescos cu nan. Of boso ta pensa cu e diesocho hendenan cu a muri ora cu toren di Siloam a basha aden, tabata mas culpabel cu tur otro habitante di Herusalem? Absolutamente cu no! Ma si boso no converti, boso tur lo caba na nada mescos cu nan." El a conta nan e parabel aki: "Un hende tabatin un palo di figo den su hofi di wendruif. El a bin mira si tabatin fruta na dje, ma e no a haya nada. E ora ey el a bisa su cuidado di hofi: "Ya ta di tres aña cu mi ta bin mira si e palo aki tin fruta y mi no ta haya nada. Kap e basha abou numa. Pakico lag'e sigui probecha di bon tera?" E cuidado di hofi a bis'e: 'Señor, lag'e palo e aña aki; lo mi ploeg e tera rond di dje y pone mest. Si e carga fruta otro aña, ta bon; si no, kap e numa.

Palabra di Señor.

MENSAHE

Constantemente nos ta testigo di hopi catastrofenan, guernan y desastrenan natural. Nos ta puntra dicon tanto hende mester sufri pa motibo di crueldad di otro of forsanan di naturalesa. Acaso nan ta pio cu nos? Nan ta merece esey? Den evangelio di awe Hesus ta menciona algun morto cruel djis pa yama nos atencion pa nos cambia nos bida y no muri mescos cu nan of pio cu nan. Cada morto ta yama nos atencion riba fragilidad di nos bida. Tambe ta haci nos consciente cu semper nos mester ta prepara pa morto. Awendia nos ta tende hopi propaganda comercial relaciona cu entieronan. Companianan di seguro ta ofrece paketenan 'tentativo' pa hende prepara nan entiero of organisa na tempo traspaso di nan gerencia. Ta un gran berdad cu nos no sa ni dia ni ora. Morto por yega di un forma imprevisto. Pero preparacion pa morto no por concentra solamete riba parti material. Mas importante ta nos alma cu ta inmortal. Su destino ta salvacion of condenacion ETERNO. P'esey tambe ta asina importante pa tur ora bay nos ta spiritualmente prepara pa para dilanti di Dios y duna cuenta di nos bida. Hesus mes pa medio di Iglesia ta yuda nos den esey. Evangelio di awe ta mustra Hesus como hardinero y nos como un mata. Hesus ta haci tur cos posibel pa scapa nos bida. E ta duna nos un chens tras di otro pa cambia nos bida. Pa medio di su palabra e ta remove nos consenshi comosifera un cunukero cu ta ploeg tera. Tur spiertamento di Dios ta expresion di su amor y motivacion pa nos probecha su palabra y sacramentonan di iglesia pa mantene nos alma limpi y den gracia di Dios. Cuaresma ta un tempo special pa reconece nos estado spiritual y lanta fo'i pica. E ta duna nos un chens y guia pa bolbe cerca Dios. No desprecia e tempo di gracia aki, pasobra kisas lo no tin otro mas.



ORACION

Señor tene misericordia cu mi. Duna mi un chens mas pa produci frutanan di bondad.

PROPOSITO

Haci un bon confesion sacramental pa recupera e rikesa di gracia di Dios y paz di nos alma.



Team Snor y Balashi Knights p'e bataya di Antias

ORANJESTAD (AAN): Shonnan, awe diasabra, 22 di september, cuminsando pa 8'or di anochi, ta bay tin otro tremendo bataya di domino en preparacion p'e gran encuentro cu hermana islanan Corsow y Bonaire. Dos ekipo cu lo representa Aruba, lo bay midi forsa diasabra awor pa wak cua team lo hunga "rol" di Gran Cacique. Manera semper, entrada lo ta completamente gratis pa pueblo en general, y durante halftime pasapalo lo skeiro na ordo totalmente por nada.

Nada menos cu e ekipo estelar di 2024, Team Snor bou guia dje ilustre magno drs. Snor Perez, lo enfrenta e team cu campeón mundial, esta Balashi Knights. Un anochi sumamente interesante, ya cu aki lo investiga ken nan teorianan "quantum" den domino ta mas avansa. Pa duna nos lectornan un idea con avansa e dokternan aki den domino ta, nos ta trece un teoria avansa y controversial di Snor Perez dilanti: si



bo lanta cu 6 piedra di 6 den bo man, pero bo tin un un-y-blanco tambe den bo man, bo no por sali c'un piedra di 6! Na Hulanda nan ta bisa "dat gaat boven mijn pet"! Na Merca nan lo bisa "that's above my paygrade!" Pero enfin, ken ta nos pa cuestiona e teorianan di Inteligencia Artificial uza awendia.

E preparacion aki ta bay den cuadro di preparacion p'e torneo benidero entra e islanan ABC. Di Aruba lo ta Team Snor y Balashi Knights. Di Corsow lo ta Nos Ambiente y E Piedra DT. Di Bonaire lo ta Rincon Stars DT y Angel Stars DT. Keda pendiente shonnan p'e anuncio di fecha y orario p'e sambombaso aki entre islanan ABC!

“Spel zonder grenzen” tabata un evento yen di diberticion pa empleadonan di Aruba Bank



ORANJESTAD (AAN): Pa di dos aña consecutivo, Aruba Bank a organisa e evento special “Spel zonder grenzen” pa su empleadonan.

E competencia amistoso a tuma lugar den e parking lot di Aruba Bank na Camacuri, unda ekiponan di maximo 6 persona a midi forza den un ambiente dinamico y dibertido.

Reach Your Goal Foundation a anima e empleadonan, mientras DJ Sky a crea e ambiente vibrante cu musica contagioso.

Ganadornan di e competencia:
1. “Fun-tastic Leaders” – Lizani, Sandro, Jordrick, Louisette & Janine
2. “Cos Dushi” – Keagan, Jurny, Caitlin, Jovanny & Thierry

Premio pa e team mihor bisti: “Dushi Squad” – Angelle, Iluniza, Roxanne, Valery & Urian

E evento a uni empleadonan di Aruba Bank den un experiencia yena di alegria y “team spirit”, reforzando companierismo den un ambiente relaha y motivador.



Nadien Phillip compitiendo na Hulanda den prome edicion di Miss Universe Dutch Caribbean 2025



ORANJESTAD (AAN): Nadien Phillip ta un Arubiano y conhuntamente cu 7 otro dama di entre otro Corsou y Sint Maarten ta forma e 8 finalistanan compitiendo pa e corona di Miss Universe Dutch Caribbean tumando lugua na Hulanda dia 6 di April. Esaki ta e prome edicion di e certamen aki, y e ganadora lo tin e responsabilidad di representa e muhernan fuerte, sabi y balente cu herencia Caribe Hulandes riba e escenario nacional di "Miss Universe Netherlands".

Mucho mas cu un concurso di beyesa

Pa Nadien e ta su prome biaha participando den un concurso di beyesa y e ta describi e experiencia aki como uno mucho mas cu un concurso di beyesa. Desde December cu el a wordo selecciona den e casting na Hulanda como un finalista, e trayecto tabata uno yena cu transformacion, empoderamento y crecimiento personal. Nadien ta splica cu locual cu hende ta mira riba e anochi final, ta e resultado di tur e trabou duro di lunanan di preparacion riba diferente

area manera public speaking, catwalk y styling. Banda di esaki, den e trayecto ta pone hopi enfasis riba advocacy, charity, con bo ta profila bo mes riba social media y bo contribucion na sociedad.

Un poco di e organisacion di Miss Universe Dutch Caribbean

Tur aña Hulanda ta organisa Miss Universe Netherlands, for di cual ta elegi un ganadora cu ta representa e pais na nivel internacional. Na Hulanda e participantenan cu ta competi pa Miss Universe Netherlands ta damanan cu ya a competi y gana e eleccion provincial.

Por ehempel, e ganadora di provincie Utrecht, ganadora di provincie Noord-Holland, ganadora di provincie Groningen etc. tur lo topa otro pa competi pa e titulo di Miss Universe Netherlands. E aña aki a introduci un trayecto extra pa damanan cu herencia Caribe Hulandes cu actualmente ta na Hulanda, pa por representa nan origen orguyosamente a traves di e trayecto aki Dutch Caribbean. E ganadora lo competi hunto cu ganadoranan di tur



provincie pa e titulo maximo di Miss Universe Netherlands.

Desde 2023 cu Nadien a finalisa cu su estudio na Universidad di Aruba den e facultad di Organization, Governance and Management (OGM), el a muda pa Hulanda pa sigui desaroya su mes. Esey ta haci cu e por a inscribi su mes pa e concurso aki na Hulanda.

Pakico participa den Miss Universe Dutch Caribbean

Nadien ta conta cu e semper a gusta e mundo di beyesa, y na un edad hoben el a participa den competencia di modelahe: Aruba Model Search 2008. Den e concurso aki el bira modelo di aña pa Kok Optica y a modela den diferente show pa boutique nan rond Aruba. El a haci esaki formando parti di e agencia di modelahe di Ronchi de Cuba.

Nadien semper a admira certamen nan di Miss Universo y tabata algo cu e kier a "try-out", sinembargo esaki pa hopi aña no tabata posibel door cu entre otro el a bira mama na un edad hoben. Na aña 2023 y 2024 e certa-



men internacional a introduci diferente cambio, entre otro cu damanan cu tin yiu of cu ta casa por participa, y tampoco tin limite di edad mas. Pesey Nadien di 34 aña a mira esaki como un oportunidad pa sigui tras di su soño y a dicidi pa inscribi su mes.

Nadien su mensahe

Nadien ta kere firmemente den e frase na ingles: "You can't pour from an

empty cup" Bo no por duna na otro locual cu bo no tin den bo mes. Pesey e ta haci uzo di e hashtag #FillYourCup pa stimula tur hende priorisa nan desaroyo personal, amor propio y pa persigui bo soñonan no matter ki edad (lifelong learning). "Ora bo ta orguyoso di bo mes y satisfecho cu bo logronan, tur hende rond dibo ta beneficia di e mihor version di bo".



RESULTADO DI SORTEONAN PA CORTESIA DI CADENA ALEXANDER

— Diabierna 21 Maart 2025 —

DIARIO	KORSOU	LUCKY 3	CAT&CHI	ZODIAC
Anochi 1684 1386 6632	Anochi 3839 0817 2492	Merdia 038 FP	Merdia 1249 1871 0038 X3 Anochi 3439 9046 5329 FP	Merdia 6316 Sagitario Anochi 2189 Capricornio SUPER 4 Anochi 9673
BIG 4 Merdia X2 0831 Anochi X2 3571	OFF	Merdia 9797 Anochi 6684	LOTTO DI DIA 02 - 03 - 23 - 24 - 29 Siguiete jackpot: 53.000	



PRIJS: 2,00 Florin ehemplar
ABONO: 40 Florin pa luna

EDITOR
Agencia Arubano di Noticia

FUNDADOR
† Jossy M. Mansur

DIRECTORIAN
Eduardo Mansur
Luis M. Mansur
Damilice Mansur

REDACTOR Coordinativo
Aureen Werleman

REDACTOR Ehecutivo
Nilton Lacle
Yorleny Oduber-Quesada
Tania Cunha

REDACTOR
Mercedes Abdul-Hamid
Django Simoons
Giovanni Lane

REPORTERO
Hubert Tiel

AVISOS Y ARTE
Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Freddy Barreto (hefe di personal)

RECEPCIONISTA
Vivian Maduro

LAYOUT
Alex Croes
Ricardo Jimenez

IMPRESION
William Quiceno
Raul Valencia

ADRES
DIARIO N.V.
www.diario.aw

Miembro di:
Sociedad Interamericana de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325

 DIARIO is Printed on 100% Recycled Paper



ALMANAC



Bahada y salida di solo na Aruba

—22 Maart 2025
Solo ta baha: 6:51 p.m.

—23 Maart 2025
Solo ta sali: 6:42 a.m.
Solo ta baha: 6:51 p.m.

—24 Maart 2025
Solo ta sali: 6:42 a.m.



Lista di Crusero di bishita na Aruba

—Dialuna 24 Mar. 2025:
Celebrity Beyond:
(08:00 - 18:00)

—Diamars 25 Mar. 2025:
Marella Discovery:
(08:00 - 20:00)

—Diaranson 26 Mar. 2025:
Amera:
(08:00 - 23:00)
Oasis of the Seas:
(08:00 - 21:00)

—Diabierna 28 Mar. 2025:
Regal Princess:
(09:00 - 22:00)



SOS CATERS
Tel: 583-1190
Aruba y Corsica

EMERGENCIA NA ARUBA

Weekend 22 y 23 Maart 2025

DOCTER NA WARDA

SAN NICOLAS:
Pa San Nicolas, Docter ta na HAP ImSan.
Dokter tey den weekend for di 9:00 am pa 1:00 pm, y di 6:00 pm te cu 10:00 pm.

ORANJESTAD:
Pa Oranjestad, Docter lo ta na Huisartsenpost na Hospital.
Dokter lo tey di 9:00 am pa 1:00 p.m., y di 6:00 p.m. pa 10:00 p.m.

BOTICA NA WARDA
Info cortesia: www.iva.aw

PARIBA DI BRUG:
Botica 4 Centro Medico
Bernhardstraat 55
Telefon 584-5794
Telefon: 584-5798

PABAO DI BRUG:
Botica Eagle
Caya Punta Brabo 17
Telefon 587-9011

DENTISTA NA WARDA

Weekend 22 y 23 Maart 2025



— 22 y 23 Maart 2025 —
Dr. Marielle Ho-Kang-You,
Zuidstraat 1.
Telefon: 582-1880

ATENCION Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.



Mini Mega

Diabierna 21 Maart 2025
Sorteo #1751

03 22 25 28

• • • **Mega Ball: 9**

1^{er} Premio: Tin 0 ganador JACKPOT
2^{do} Premio: Tin 0 ganador di Match 4
3^{er} Premio: Tin 6 ganador di 500 Florin
4^{to} Premio: Tin 51 ganador di 50 Florin
5^{to} Premio: Cu 68 ganador di 15 Florin

Jackpot pa e proximo Sorteo Mini Mega: 25 MAR. 2025
Afl. 310.000,- • **MEGA PLUS: Afl. 440.000,-**




Loke Tempo ta Mustra....

TEMPERATURA AWE MAXIMO 32 °C • MINIMO 26 °C

- Cielo lo keda parcialmente nubla y generalmente seco. Tambe stof precedente for di Sahara lo reduci velocidad paulatinamente.
- Condicion atmosferico lo bira menos faborabel pa formamento di nubia y e tempo local lo keda generalmente seco. Ademas, un aumento adicional den diferencia di presion den e area aki, lo resulta den un biento modera te basta fuerte e dianan venidero. Stof fini di Sahara tambe lo reduci visibilidad.
- Perspectiva di tempo te Diadomingo ta un cielo lo ta parcialmente nubla y generalmente seco. Tambe biento lo supla mas duro.
- Biento cu brisa debil te modera suplando for di Pariba entre 12 y 30 km/h. Cu rafaga tin biaha te 50 km/h.
- Lama rond di Aruba lo ta en general trankil, cu altura di ola entre 2 y 5 pia.

For di DIAHUEBS 8'or mainta te DIABIERN 8'or mainta:

- Temperatura registra na **Aeropuerto, Aruba:**
—Maximo: 31° C. Yobida: **0.0 mm.**
—Minimo: 26° C.
- Temperatura registra na **Westpunt, Aruba:**
—Maximo: 31° C. Yobida: **0.0 mm.**
—Minimo: 26° C.
- Temperatura registra na **Santa Rosa, Aruba:**
—Maximo: 32° C. Yobida: **0.0 mm.**
—Minimo: 26° C.

INFORMACION PA PUBLICACION

REMITIDO
E exigencianan di DIARIO pa publicacion di cualkier remitido ta cu esaki mester bin den forma electronico (sea via Whatsapp 561-5325, FB Messenger, E-mail, USB Drive, CD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs! Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo **NO POR** menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS
Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO
COPYRIGHT: Nada den DIARIO mag di worde copia sin permiso di Agencia Arubano di Noticia.

DEPORTE INTERNACIONAL

Lakers a perde pero Bronny a logra e cantidad mas halto di punto di su carrera



LOS ANGELES: Tur hende tabata sa cu Diahuebs anochi Los Angeles Lakers lo bay perde nan wega contra Milwaukee Bucks, mirando cu practicamente e ekipo principal completo no por a hunga.

E grupo di hungador ausente a inclui LeBron James, Luka Doncic, Rui Hachimura y Austin Reaves y apesar di e hecho cu trempa Los Angeles a bataya bon, na final e wega a caba 118-89 na fabor di Milwaukee.

Riba un anochi cu no mucho a bay bon pa Lakers, Bronny James tabata e luz positivo pa e ekipo.

Pa prome biaha den su carrera cortico el a logra anota 17 punto,

mientras cu el a caba cu 5 asistencia.

Tabata prome biaha cu e yiu homber di LeBron a hunga 29 punto pa Lakers y hopi hende a keda impresionado cu con bon el a hunga.

Te hasta hendenan cu a critica Bronny a admiti cu su wega a muestra di e mehora bastante.

Coach JJ Redick a expresa tambe con satisfecho e tabata cu e wega di James y cu e tin confianza cu e ta bay ta un hopi bon anotador di tiro.

Bronny riba e anochi a anota 2 di su 4 intentonan di 3 punto.

Reds a firma prolongacion di contrato cu Trevino di 3 año, na balor di 15 miyon dollar



CINCINNATI: Cincinnati Reds y catcher veterano a bay di acuerdo pa firma un prolongacion di contrato di 3 año na balor di 15 miyon dollar, e club a anuncia Diahuebs. E acuerdo ta inclui un opcion di club, segun Jon Heyman di MLB Network.

Reds a firma Trevino for di New

York Yankees den luna di December, a cambio di Fernando Cruz y Alex Jackson.


E hungador di 32 año ta wordo verwacht di ta e catcher pa Reds riba e prome dia di temporada, despues cu Tyler Stephenson a haya un lesion di oblique.

Trevino ta un catcher defensivo excelente.

Su mihor temporada tabata na 2022 ora cu e tabata un All Star y a gana un Gold Glove y un Platinum Glove pa su esfuerzonan tras di plato.

Temporada pasa cu Yankees Trevino den 73 wega a caba cu 8 homerun y 28 careda impulsa.

A haci un MRI riba Curry despues di ricibi golpi fuerte na su pelvis



SAN FRANCISCO: Diahuebs anochi Golden State Warriors a wanta pa gana Toronto Raptors 117-114, pero posiblemente nan a perde strea Stephen Curry pa algun tempo.

Curry na dado momento a cay fuertemente riba su lomba, ora cu e tabata purbando di anota.

El a haya un golpi fuerte na su pelvis y a bay na e camerino di e ekipo despues di un timeout.

E no a regresa mas, debi na e mo-

lester cu e tabata sinti.

despues di e wega e 11 biaha All Star a haci un MRI.

“Nos ta spera cu no ta nada serio”, segun coach di Warriors Steve Kerr.

Prome cu el a bandona e wega Curry a logra 17 punto y 2 rebounds.

Desde e All Star break Golden State ta riba un hopi bon racha, ganando 12 di nan ultimo 14 weganen.

Trout ta haya cu e prohibicion di celular ta yuda e hungadornan interactua mihor cu otro



LOS ANGELES: Manager di Los Angeles Angels Ron Washington a introduci un regla, unda cu e hungadornan di su ekipo ta wordo prohibi di haci uso di nan celularnan den e camerino di hungador. Strea di Angels Mike Trout ta gusta e regla nobo.

“E regla ta funciona bon”.

E guynan ta interactua mas cu otro.

Mi ta kere e cos mas grandi nos ta trahando riba dje ta construcion di un bon quimica di famia, Trout a bisa.

Trout a bisa cu e no a ripara algun resistencia di parti di e hungadornan.

E multa pa un hungador gara ta haci uso di su celular den e clubhouse ta 500 dollar.



Noticianan for di Hulanda

Defensa mester crece di 74.000 pa 200.000 trahador



HULANDA: E ehercito Hulandes mester crece di 74.000 pa 200.000 militar, reservista y personal civil. Esaki Secretario di Estado Gijs Tuinman a expresa den un reunion cu e sindicatonan militar. Presidente di e asina yama Voorzitter Vakbond voor Burger en Militair defensiepersoneel (VBM)

Jean Debie (VBM) a confirma esaki, despues cu e noticia a wordo reporta. Un parti substancial di e crecemento di ehercito Hulandes mester ta pa loke ta e parti di reservista, segun Debie. Actualmente Hulanda conoce mas cu 7000 reservista.

Manifestantenan a tira webo y vuurwerk riba stadhuis den protesta contra centro di buscador di asilo



HULANDA: Yegada di un centro pa buscador di asilo (azc) pa 240 te cu 270 refugiado, ta causando hopi tension na Berlicum. Diahuebs anochi e protestanan a yega un punto di herbe. Na e stadhuis na Sint-Michielsgestel, hendenan a tira webo y vuurwerk. Despues di esaki hopi desperdicio

a keda atras. Mas lat e anochi ey hendenan a cende un cantidad di tire na candela. E manifestantenan a haci esaki na e lugar unda cu e centro pa buscador di asilo mester bin. Aparentemente tin hopi hende cu ta contra yegada di e cantidad grandi di stranhero den nan bario.


Menos hende ta bebe dimas y huma, pero tin mas hende obeso



HULANDA: Tur comunidad ta spera cu nan ciudadanonan por bira mas sano, door di haci menos cos cu ta malo pa salud y mas cos bon pa salud. Hulanda hopi biaha ta tene campananan contra humamento y bebecemento excesivo y aparentemente esey ta funcionando, pero di otro banda tin cosnan cu a bira peor.

Segun CBS, di berdad tin menos hende cu ta bebe dimas y menos hende cu ta huma, pero a nota cu tin mas hende cu tin problema di sobrepeso. CBS ta bay mas leu ainda y ta indica cu na Hulanda e cantidad di persona cu ta obeso a aumenta bastante.

Tironan a cay den un metro riba station Schiedam, posiblemente tin un herido



SCHIEDAM: Den un metro riba station Schiedam, tironan a cay Diabierna atardi. Esaki polis a meld, despues di haci un investigacion. Nan a duna di conoce cu posiblemente un persona a resulta herida, pero no ta conoci si a herida ta a consecuencia di un tiro.

Te cu Diabierna atardi laat polis no tabata sa ainda kende lo ta envolvi den e caso di tiramento. Segun testigonan, un tiro a cay un tiki prome cu 15:00, despues di cual polis a cera e station y a cumenza haci un investigacion. Polis a bay cu imagennan di camara y a interroga testigonan.

Noticia Internacional

Candela a causa ciere di aeropuerto di Heathrow y caos den trafico aereo internacional

LONDON: Un candela na un substacion di coriente den west di London a obliga e ceramento di Aeropuerto di Heathrow, un di e aeroportonan mas druk e mundo pa loke ta trata volumen di pasahero, riba diabierna. E candela a causa interupcion di coriente na e terminalnan for di diabierna mainta trempan y a stroba e aeropuerto di funciona debidamente, loke a conduci cu autoridadnan a ordena su ciere te diabierna laat. Algun ora despues, e aeropuerto a anuncia su reapertura parcial despues cu coriente a bin bek y ta sigur cu e lo reanuda su operacionnan completo riba diasabra.

“Nos prome vuelonan lo ta pa repatriacion y mudamento di avionnan. Por fabor no bin aeropuerto a menos cu bo aerolinea ta conseha pa haci esaki,”

e aeropuerto di London, esun mas grandi di Europa cu un volumen anual di pasahero di mas di 80 milyon, a bisa den un comunicado. “Como e aeropuerto mas druk di Europa, Heathrow ta consumi mesun cantidad di coriente cu un ciudad chikito, pues pa bolbe na operacionnan completo, sigur ta tuma tempo”, nan a agrega. Mas di 1.300 vuelo pa of for di e aeropuerto aki tabata programa pa e dia ey, segun e portal Flightradar24, di cual casi 120 a wordo desvia of forsa pa bolbe nan aeroportonan di origen.

British Airways, e compania di aviacion mas afecta pa e interupcion cu mas di 600 buelo cancela, a anuncia cu nan lo reanuda nan operacionnan cuminsando pa 7:00 p.m. ora local, aunke nan a reconoce cu nan lo sigui vigilia e situa-

cion den siguiente dianan. “Nos coleganan ta trahando duro pa sostene nos clientenan cu e informacionnan actual den un situacion cu ta cambia,” asina e hefe ehecutivo di e compania, Sean Doyle, a bisa.

-Candela bao control
E candela a cuminsa poco prome cu 12’or di anochi riba Nestles Avenue, un caya den e suburbio west di London di Hayes, situa poco mas di dos kilometer for di aeropuerto. Por lo menos 10 truck di bombero y casi 70 personal di Cuerpo di Bombero di London (LFB) a wordo despacha pa e substacion electrico afecta pa purba contene e candela, cu a causa interupcion di cori-



ente den casi 67.000 cas y a forsa e evacuacion di mas di 100 persona.

Comisario suplente di LFB, Jonathan Smith a confirma cu e candela ta bao di control, aunke e no ta completamente paga ainda. “Nos a bin ta trahando activamente pa garantisar acceso pa ingenieronan specialisa di rednan electrico na e lugar, ya cu restaura coriente ta nos prioridad. Nos

tin agentenan di investigacion di candela trahando cu nos conseheronan científico y Polis Metropolitan (MPS) pa investiga e causa di e candela,” el a enfatisa. Autoridadnan a establece un perimeter di seguridad di 200 meter y a cera e puntonan di acceso principal na e terminalnan, pa evita aglomeracion durante henter dia.

Gobierno di Trump a sanciona Cristina Kirchner pa corrupcion y ta prohibi su entrada na Merca

WASHINGTON: Gobierno di Donald Trump a anuncia diabierna sancionnan contra e ex-presidente di Argentina, Cristina Fernandez de Kirchner y su ex-Minister di Planificacion, Julio Vido, kende nan ta acusa di ta envolvi den casonan di corrupcion durante nan maneho.

E medida anuncia pa Secretario di Estado, Marco Rubio ta prohibi tanto funcionarionan, como tambe nan famia, di drenta Merca. Den caso di e ex-mandatario, e ordo lo afecta tambe su yiunan Maximo y Florencia.

“CFK y De Vido a abusa di nan posicionnan door di beneficia financieramente di varios eskema di sobor-



no relaciona cu contratonan di obranan publico, loke a resulta den milyones di dollar horta for di gobierno Argentino. Varios Corte a condena CFK y De Vido pa corrupcion, cu a afecta confiansa di e pueblo Argentino y e inversionistanan den futuro di Argentina,” e declaracion a bisa. Esaki ta e prome biaha cu un gobierno di Merca ta sanciona un ex-presidente Argentino pa su casonan di corrupcion.

Canada a condena ehecucion na China di cuatro canades sentencia pa crimen relaciona cu droga

TORONTO: China a ehecuta cuatro canades cu a wordo condena pa crimen relaciona cu droga, segun Minister di Asuntonan Exterior di Canada, un hecho cu ta menasa cu empeora un relacion cu ya ta tenso entre ambos pais. Minister Melanie Joly a bisa cu nan ta condena e ehecucionnan y cu gobierno lo sigui busca clemencia pa otro canadesnan cu ta cera na China.

“Nos lo sigui dialoga cu China y ta condena energicamente e ehecucionnan, sino tambe pidi clemencia pa otro canades cu ta enfrenta situacionnan similar”, Joly a bisa.

Embahada di China na Ottawa no a proporciona detayenan relaciona cu e ehecucionnan, pero a defende condenanan estricto imponi pa Beijing na deli-



tonan relaciona cu droga. The Globe and Mail tabata e prome pa informa riba e ehecucion. E corant a indica cu e ehecucionnan a tuma lugar na comienso di aña, citando e Departamento di Asuntonan Global di Canada, cu a confirma esaki.

Joly a bisa prensa cu e y ex-Prome Minister, Justin Trudeau, a pidi clemencia na Beijing den ultimo lunanan pa purba di impedi e ehecucionnan. El a bisa cu esnan implica tin dobel nacionalidad canades y

chines. (China, sin embargo, no ta reconoce dobel nacionalidad).

The Globe and Mail a menciona un comunicado di Ottawa cu nan a condena e asesinatnan como “incompatibel cu dignidad humano basico”. E departamento no a responde inmediatamente na un solicitud di comentario di The New York Times.

E caso di e cuatro canades tabata bao di revision hudicial na China durante dos aña prome cu nan a wordo ehecuta.

Un logro historico pa Futbol Arubiano! Aruba a bira cas di e di cuater FIFA Talent Academy di mundo y e prome den Caribe



ORANJESTAD (AAN): Historia a wordo skirbi! Aruba a bira cas di e di cuater FIFA Talent Academy di mundo y e prome den Caribe!

Bao di e skema di desaroyo di talento di FIFA y Arsène Wenger (TDS), e programa di FIFA Talent Coach a traha hunto cu AVB Academy pa desaroya e talento mas prometedor di Aruba, elevando nan na nivel internacional.

Despues di luna di trahamento den colaboracion entre FIFA y Arubaanse Voetbal Bond (AVB), ta orguyoso pa celebra esaki como un acontecimiento importante pa futbol di Aruba. Pa e motibo aki, lo tin un evento special pa reconoce e compromiso di Aruba na desaroyo di talento di elite.

With heartfelt sympathy, we extend our deepest condolences to Sanju Luidens, our Chief Marketing Officer (CMO), on the passing of her beloved father.



Gordhan U. Daryanani

☀ 15-02-1938 | + 15-03-2025

On behalf of the Aruba Tourism Authority, we send our thoughts and prayers to her and her family, wishing them strength and comfort during this difficult time.



Ekipo di Aruba Bank a participa den e di torneo di golf caritativo anual di Kiwanis Club of Aruba



ORANJESTAD (AAN): Aruba Bank a participa den e 15 edicion di torneo di golf caritativo anual, organisa pa Kiwanis Club of Aruba cu a tuma lugar diadomingo na The Links at Divi Aruba. Ekipo di Aruba Bank

representa door di Herman, Lucio, Bryan, y Ryan, a representa Aruba Bank cu gran orguyo, apoyando e evento significativo aki cu ta stimula involucracin den comunidad conhuntamente cu hacimento di donacion.

Aruba Bank ta contento di por a forma parti di un evento cu ta fortalece e lazo di comunidad. Pabien na Kiwanis Club pa organisa un evento asina impactante y tur esnan cu a contribui na su exito.

SUPER CARD SUPER DEALS



**COMFORT
CLASS**

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Riba invitacion di Prome Minister

Miembronan di e organisacion Women Empowering Women a bishita Bestuurskantoor

ORANJESTAD (AAN): Recientemente Prome Minister Evelyn Wever-Croes tabata tin e honor di ricibi na bestuurskantoor 21 miembro di e organisacion Women Empowering Women (WOW). E miembronan di e organisacion aki ta hendenan muhe profesional cu ta hopi dinamico den sociedad riba diferente tereno, specialmente ora ta trata di empoderamento hende muhe.

Prome Minister a indica cu e organisacion aki ta reuni regularmente y a invita miembronan pa bin bishita bestuurskantoor. Na yegada nan a haya un recorrido di e lugarnan unda nan por a mira e espacio na unda e crisis team tempo di covid a reuni, e sala unda ta tene e conferencianan di prensa pa despues termina den e sala di conseho di minister.

Durante nan bishita, Prome Minister a duna nan un presentacion di e "State of Affairs" di Aruba pa asina nan por tin un miho bista di con Aruba su economia y fin-




nansas ta na e momentonan aki. Despues di e presentacion, e mandatario a hiba un combersacion cu nan splicando nan con en realidad ta pa traha pa su persona como hende muhe den un posicion di liderazgo y kico ta importante pa tene cuenta cune ora ta trata di liderazgo femenino. Nan tabata tin hopi

pregunta cu Prome Minister a contesta debidamente. "E tabata un atardi hopi ameno. Mi tin un admiracion grandi pa e organisacion aki y pa su miembronan pa tur loke nan ta haci, specialmente riba e tema di empoderamento di hende muhe, y mi ta desea nan hopi exito" Prome Minister a expresa.



Noticia Internacional

FBI a confisca 13 tonelada di cocaina y otro droganan na Florida



WASHINGTON: E director di Agencia Federal di Investigacion di Merca (FBI), Kash Patel, a anuncia cu nan a confisca 13 tonelada di cocaina y otro droga den un operacion den e area di Tampa (Florida).

Patel a bisa cu e confiscacion ta representa un golpi pa cartelnan Mexicano y

organizacionnan terrorista stranhero.

“Esey ta mas di 13.000 kilo di cocaina y otro droga cu e cartelnan tabata trata di subi cayanan di Merca, cu un balor di centenares di miyones di dollar”, el a bisa den un mensahe riba e red social X.

Patel a splica cu esaki tabata un operativo conhunto

entre FBI, Wardacosta, Departamento di Husticia, y un division di investigacion di Departamento di Seguridad Nacional.

FBI no a duna mas detaye relaciona cu e lugar na unda nan a confisca e droga, of con esaki a yega Merca. Nan a agreha cu no tabatin detencionnan.

Florida ta un di e portanan principal pa droga drenta Merca debi na su localidad geografico y costa extenso.

Pa decadanan largo, traficanenan di droga a usa su wafnan y rutanen di barco, probechando di su cercania cu Caribe y regionnan clave di produccion.

Corte Supremo di Israel a suspende e destitucion di e hefe di Shin Bet, impulsa pa gobierno di Benjamin Netanyahu



Corte Supremo di Israel a emiti un medida di precaucion cu ta para e retiro di e hefe di Shin Bet (agencia di inteligencia di Israel) Ronen Bar, aproba diahuebs anochi pa gobierno, te ora cu e considera e apelacion presenta pa diferente instancia contra esaki, prensa local a informa.

E ultimo fecha pa revisa e solicitudnan ta dia 8 di april, segun The Times of Israel, aunke e oficina di Prome Minister Benjamin Netanyahu a anuncia dia bierna mainta trempa cu e despido di Bar lo drenta na vigor dia 10 (of mas trempa, si nombra un reemplasante).

Varios partido di oposicion Israeli diabierna a pidi Corte Supremo pa para e retiro di Bar, alegando conflicto di interes.

E hefe di e partido di oposicion Yesh Atid, Yair Lapid, a indica den redna social cu su partido, hunto cu Unidad Nacional, Israel Beiteinu y e Democratanan, a entrega e peticion, considerando e conflicto di interes causa pa e investigacion di Shin Bet riba miembronan di gabinete di Netanyahu pa supuesto lasonan cu Qatar.

Lapid a referi tambe na e investigacion di e agencia riba e atakenan di e grupo islamista Hamas contra Is-

rael dia 7 di october 2023, cu el a tene e gobierno Israeli parcialmente responsable.

Anteriormente, e Movimiento pa Gobierno di Calidad, un organizacion di sociedad civil, tambe a pidi Corte Supremo pa para e retiro.

Bao di liderasgo di Bar, Shin Bet ta investigando “Qatargate” for di 2021, un escandalo cu a alega cu Qatar tabata paga e conseheronan di Netanyahu pa crea un campaña di propaganda faborabel pa e estado di Golfo prome cu Copa Mundial di 2022.

Fiscal General di Estado Gali Baharav-Miara tambe ta bao di mira di poder ehecutivo, cu lo vota si mester presenta un mocion di confiansa contra dje riba diadomingo, alegando cu e ta actua contra di nan cu motivacionnan politico.

Ademas, den e ultimo lunanan, e tres figura mas importante den e establecimiento di seguridad di Israel: Ministro di Defensa, Yoav Gallant; Hefe di Estado Mayor di Ehercito, Herzl Halevi; y su vocero, Daniel Hagari a wordo retira for di nan puesto of a renuncia.

Esaki ta e prome biaha den historia di Israel cu nan a kita un hefe di agencia di inteligencia nacional.

Francia a acusa Rusia di a negocia durante dia y ataca Ukraine anochi

PARIS: Minister di Relacionnan Exterior Frances, Jean-Noël Barrot, a acusa autoridadnan Ruso di ta mantene un postura contradictorio negociando posibel acuerdonan di paz cu Ukraine durante dia, mientras cu ta sigui lansa atakenan riba teritorio Ukrainiano anochi.

“E regimen Ruso ta pretende di kier paz durante dia, pero ta sigui bombardea anochi. Ukraine ya a expresa su voluntad pa un paro di fuego inmediato. Ta Rusia ta rechasa esaki y ta sigui cu su agresion,” Barrot a publica riba medionan social, unda el a cuestiona e sinceridad di Kremlin den su intento-nan di dialogo.

E remarcanan di Barrot a coincidi cu un mensahe di e presidente Frances, Emmanuel Macron, kende tambe a usa medionan so-



cial pa condena e atakenan Ruso. “Diahuebs anochi, Rusia un biaha mas a demostra cu sinceramente nan no kier paz. Apoyo maximo pa e pueblo Ucrainiano,” e mandatario a skirbi, cu a inclui un potret di un edificio na candela, sin specifica e localidad. Den e cuadro aki, Macron a anuncia e convocation di un cumbre nobo pa diahuebs na Paris, cu e meta di coordina sosten militar y di seguridad pa Ukraine. Segun e presidente fran-

ces, despues di a participa den e reunion di Consejo Europeo na Brussels, presidente di Ukraine Volodymyr Zelensky tambe lo asisti na e reunion. E obhetivo di e reunion lo ta pa finalisa medidanan di sosten inmediato pa e Ehercito di Ukraine, establece un modelo militar stabil y viabel pa e forsan arma di e pais, y defini e garantianan di seguridad cu e ehercito Europeo por ofrece contra ofensivanan ruso.

Esun prome cu a clasifica e condicion aki na 1866

Down Syndrome ta debe su nomber na e Docter Britanico John Langdon Down



ORANJESTAD (AAN) E Down Syndrome ta hiba su nomber na honor di docter John Langdon Down, un docter Britanico cu tabata e prome cu a clasifica e condicion na 1866. Docter Down a cuminsa su carera di Medicina como Medico Hefe di Earlswood, un Institucion pa personanan cu incapacidadnan intelectual y di desaroyo.

Prome cu Earlswood, John Down no tabata tin experiencia den e cuido di personanan cu e tipo di discapacidad aki, pero algo den dje a capta su interes. E tabata mira su balor y humanidad, den un epoca unda otroan no tabata mira esaki. E tabata disfruta, autenticamente, di ta cerca di e personanan aki, y tabata enfurece masha door di e manera cu nan tabata wordo trata: cas-

tigo fisico tabata comun, e condicionnan di higiene tabata deplorable, tabatin un nivel halto di mortalidad y nada agradable tabata tin, of cu tabata bal la pena, pa e pashentnan.

Docter John Down a insisti den haci un cambio. El a contrata personal nobo, y a exigí un atencion y higiene adecua pa e pashentnan. El a prohibi e castigonan y a percura pa cursonan di manualidad y pasatempo pa su pashentnan.

El a tuma nan potretnan masha bunita, bisti cu nan miho pañanan y trahe y a laga nan pose di un manera elegante. El a utiliza su coleccion di mas di 200 fotografia, pa respalda su descripcion clinico di e Down Syndrome, señalando e caracteristicanan fisico cu el a nota, como tambe otro observacionnan clinico.

Na 1868, el a cumpra un mansion inmenso, pa alberga personanan cu Down Syndrome. Na lugar di utilic'e como Institucion el a sigura su mes, cu e mansion lo a cumpli cu e standardnan di mas halto di comodidad y higiene. Tur persona cu a ingresa eyan a haya educacion priva. Nan a wordo siña con pa

monta cabay, con pa haci hardineria y obranan di man, y a crea pa nan espacionan creativo.

Dr. Down a laga traha un teatro chikito anexo na e mansion. E mansion aki a wordo yama "Normansfield" y ainda ta sigui para riba su pia den Reino Uni. E ta yama awo "The Langdon Down Center and Normansfield Theater".

Ta bon pa destaca cu e nomber "Down" tin nada di haber cu retraso ni predisposicion, ni cu e diagnos-



tico di Down Syndrome, un ser humano extraordinario. (Autor: Investigador Alfonso Lovato)

FUNDACION KAWARA

Cu inmenso tristeza, pero gradicido loke ela hasi y nifica pa nos, Fundacion Kawara ta anuncia fayecimento di nos miembro di directiva pa casi 40 año,

MARGRIET JANSEN-LACLÉ na edad di 78 año

un persona cu a dedica su tempo voluntariamente pa engrandece nos Fundacion y semper cla pa yuda, specialmene tresiendo ideanan y hasiendo obranan di man y otro decoracionnan pa Pasco, Dia di mama y dia di tata pa miembronan di Grupo Kawara.

Condolencia y hopi forza den e dianan dificil aki na su yiunan, nietonan y na Emely y demas famia, amistadnan y na miembronan di directiva, boluntarionany miembronan di Grupo Kawara.

Alavez nos ta invita tur miembro di grupo Kawara pa ta jpresente na Misa pa 12.45 pa compaña Margriet y su famia na e despedida di nos miembro stima cu lo tuma lugar dialuna 24 di maart 2025 na misa Santa Filomena na Paradera di 1 or pm pa 4 or pm y despues pa Santana Catolico na Paradera.

Cu nos miembro stima Margriet sosega dushi den brasa di Señor.



*Ta participa
fayecimento di:*

Kok Ping Lee



*All his colleagues will miss him.
Forza na su Sra. Rina y yiunan.*

Management & staff di Chalet Suisse



Cu honda pena pero conforme cu Dios su voluntad, Staff y Personal di Garage Centraal Aruba ta partisipa fayecimento di:

**Sra. Elva Magda
Blom-Boyé**

Na bida mama di nos Director Marlon Blom

Staff y personal di Garage Centraal Aruba ta expresa nos mas sentido pesame, y ta desea forza na famia y amigonan.

Cu Dios tume den su Reino.

Garage Centraal
Aruba N.V.

CentraalLease

Na Spaña a haya cadaver di un muhe cu tin 14 aña morto den su apartamento



MADRID: Momento di misterio y horror a wordo sinti den un edificio na Costa del Sol, ora cu un homber y su yiu muhe di 11 aña a forza un candal y e man di porta di un apartamento na Málaga pa asina 'kraak' e cas ey y bay biba den dje ilegalmente. Pero a bin tuma cu un curpa morto di un muhe eyden.

Nan a spanta y a core yama Polis pa divulga e descubrimiento macabro aki. Nan a kere cu e cas ta bashi y pesey kier a kibra y drenta eyden pa tum'e over pa biba aden.

Inspectornan y experto forensico di Polis a yega, y a bisa cu e curpa cu nan a haya den e apartamento ya a yega e estado cu e ta djis skelet, cu ta e fase final di descomposicion, caminda e cuero humano a desaparece casi completamente, lagando atras solamente weso.

E prome analisis forensico a divulga cu e fayecimento a socede como 14 aña pasa, cu ta coincidi cu e desaparicion di e muhe Spaño, cu segun calculo e lo tin como 85 aña di edad, y el a fayece poco despues di e morto di su casa. Sinembargo su identidad ainda no a wordo confirma oficialmente.

Pasobra Polis tin di informa famianan prome pa asina yuda haya identificacion di forma defini-

tivo y purba haya claridad di e circunstancianan di su morto. E edificio aki ta unda cu hendenan ta muda constant di dje. Pues famianan ta drenta y poco tempo despues ta sali. Esaki lo por a contribui cu e hayazgo a tarda asina hopi aña pa sali na

cla.

Autoridad ta kere cu un factor cu a yuda tarda e descubrimiento di cadaver, ta cu e bentananan di e apartamento a keda habri durante tur e 14 añanan

aki. Esaki lo a reduci e intensidad di e holo cu ta haya ora un curpa ta den descomposicion, evitando asina cu bisiñanan lo a nota algo inusual den e cas.

"Señor ta mi Wardador, mi'n tin falta di nada; Den kunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber." Salmo 23

OLIVE TREE
FUNERAL CARE & CREMATORY

E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber." Salmo 23

Cu inmenso tristesa na nos curason, Nos ta participa fayecimento di:

Teresa Xiomara Werleman

Miho conoci como "Tere" of Maya.

*15-10-1972 - †12-03-2025



Na Nomber di su mayornan: † Bicente y † Andrea Werleman Werleman

Su yiu: Jeannerick Jair Donata Tyshanicka Xamara Werleman y Yarvis Ras

Su rumannan: † Maria y vdo. Pedro Morillo Prisca Werleman Nelly Werleman

† Roland Werleman Nacho Werleman y Ruth Rojas Marlijn y Hubert Jacobs Soraida y Mario Irausquin

Nieta Stima: Yarxiennë Rayviennë Ras

Su sobrino y sobrina nan, ihanan, amigo di cas, primo y primanan, Madrina y padrino, Comer y comper, amigo y amistadnan di bingo, bisinja y conocirnan.

Y demas Famianan: Morillo, Werleman, Kelly, Emerenciana, Jacobs, Irausquin, Corvacho, Pelayo Garcia, Wernet, Croes, Quandus, Tromp, Geerman, Felida, Angela, Dirksz, Felipa, Donata Wever, Koolman, Flanegin, Delaney, Dubero, Danje, Gomes, Paesch, Henricus, Marin, Ridderstaat, Vrolijk, Dania, Ras, Lowe, Kock, Yarzagaray, Lampe, Brete, Luidens, Dijkhoff, Brown, Janga, Bernabela.

Ex coleganan di Kong Hing Supercenter y Svga Stichting Verstandelijk Gehandicapt Aruba.

Condoleer lo ta dialuna 24 Maart 2025 di 6pm-8pm na Olive Tree Funeral Care & Crematory Na (Piedra Plat 27Z)

Ta invita pa asisti na e acto di entierro, cu lo tuma lugar diamars 25 Maart 2025 di 2pm-4pm na misa Inmaculada Concepcion na Santa Cruz despues saliendo pa Santana Santa Maria.

Nos ta pidi nos disculpa si nos por a lubida un of otro famia den nos tristesa.

Despues di entierro nos no ta risibi bishita di condolencia na cas famia.

Ta desea pa bin na color alegre

Bernhardstraat 134/136 • Tel: 584 8888



DEPARTMENT OF CIVIL AVIATION ARUBA

Na nomber di Staff y Personal di Departamento di Aviacion Civil Aruba

Ta anuncia fayecimento di nos estimado previo colega

Sr. Alexander Edelmiro Wernet

*26-02-1957 + 14-03-2025

Acto di entierro lo tuma lugar, Diasabra 22 maart 2025 for di 2'or pa 4'or di atardi na Olive Tree Funeral Care & Crematory Sanicolas.

Alavez nos ta extende palabranan di profundo condolencia na famianan di Sr. Wernet y cu su alma sosega na paz.



IN LOVING MEMORY OF OUR SON, BROTHER & FRIEND

MICHAEL PAUL

WE APPRECIATE THE PRESENCE OF FAMILY & FRIENDS DURING THE FINAL FAREWELL.

DATE: MARCH 22/2025

**CONDOLENCES 3:00 PM
HOLY SERVICE 4:00 PM**

**LOCATION: SANTA ANNA CHURCH
NOORD - ARUBA**

YOU BRIGHTENED EVERYTHING WITH YOUR SMILE, CHARISMA & JOY. YOU WILL LIVE ETERNALLY IN OUR HEARTS, FOREVER MICHAEL.

Aurora

Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur local mi a laga atras keda bunita y
laga esakinan termina den tur buniteza
Autor: Cado Wever

Cu dolor di nos curason, nos ta participa
fayecimento di nos ser stima:

Salomon Boekhoudt

Cariñosamente yama
"Chomon"

*22-09-1940 - † 13-03-2025



Mayornan:

† Candido Boekhoudt y † Agnes Vicenta
Boekhoudt-Franken

Na number di:

Casa:

Beatriz Boekhoudt-Boekhout

Yiunan:

Ricci y † Jan Breeuwer-Boekhoudt
Oslin y Janice Boekhoudt-Kock
Rodney y Melisa Boekhoudt-Maduro

Nieto(a)nan:

Kevin, Shanya, Noah, Jaysley, Oniece, Rygell

Rumanan:

† Francisco Boekhoudt y familia
† Lorenz Boekhoudt y familia
† Jose Boekhoudt y familia
† Juan Boekhoudt y familia
† Iginia "Ina" Tromp y familia
† Pablo Boekhoudt y familia
† Olga Maria Boekhoudt y familia
† Caspar Bernabel "Ben" Boekhoudt y familia

Sua y cuñanan:

† Arcangel "Jaño" Boekhout y familia
† Robertina "Shonmi" Dubero-Boekhout y familia
† Cajus "Betico" Boekhout y familia
Zevera "Vera" Loefstop-Boekhout y familia
Pablo "Rolando" Boekhout y familia
Osanna "Tinachi" Simon-Boekhout y familia
Imelda "Nelly" de Mey-Boekhout y familia
Bernando "Boy" Boekhout y familia
† Glenda Boekhout

Ihanan:

Thomas Wester, Angeline Wernet-JeanD'or, Jessica
Kelly, Armand Simon, Mandy Lee-JeanD'or

**Subrino y subrinonan, primo y primonan, comer y
compennan, bisiñanan, conocirnan na Hulanda y
demas familia:**

Boekhoudt, Boekhout, Breeuwer, Kock, Maduro,
Tromp, Franken, Hu-A-Ng, Wernet, Dabian, Croes,
Dirkz, Feliciano, Filiciana, Gei, Danies, Richardson,
Dubero, Loefstop, Ruiz, Simon, de Mey, Henriquez,
Flanegin, Petrocchi, Donata, Geerman, Wester, Kelly,
JeanD'or, Lee, Ras, Wever.

**Ex-coleganan di PostKantoor, ex-clientenan y ex-
empleadonan di Chomon Service Center, na bida
miembro di OPPA y grupo Kawara.**

**Famia ta pidi disculpa cu si den momentonan di nos
tristes nos por a lubida un famia of conocer.**

**Condolencia ta tuma lugar diamars 25 di maart 2025
na Aurora Funeral Home di 6'or pa 9'or pm.**

**Acto di entierro lo tuma lugar diaranson 26 di maart
2025 di 2'or pa 4'or pm na Misa Santa Filomena
Paradera.**

**Nos ta pidi disculpa pero despues di entierro no por
tuma bishita di condolencia na cas**

Disputa laboral na Hospital na St. Maarten

PHILIPSBURG: Tin un situa-
cion laboral entre gerencia di St.
Maarten Medical Center (SMMC)
y e empleadonan. Personal di e
Hospital a cuminsa expresa nan
disgusto cu diferente asunto, in-
cluyendo condicionnan di trabao,
y demas dificultad eyan.

Preocupacion cu empleadonan
a trece dilanti ta inclui e transi-
cion for di e Hospital bieu pa esun

nobo, ahuste pa cu costo di bida,
y tambe e plan di pensioen di En-
nia.

Ministro di Salubridad Publico,
esta Richinel Brug a dicidi na
yama tanto gerencia di SMMC y
tambe e Sindicato di e emplead-
onan pa haya sa kico ta e proble-
ma.

Gerencia di SMMC a informa
Ministro detayenan cu ya caba ta

conoci, pero Sindicato a dicidi pa
no duna Ministro ningun informa-
cion e momento aki.

Gobierno ta sigui vigila loke ta
pasando, y Mediador di Gobierno
tambe a muestra disponibilidad pa
asisti den e proceso. Gerencia di
SMMC y tambe Sindicato a sigu-
ra Gobierno, cu cuido di pashent-
nan lo no wordo afecta debi na e
disputanan aki.



Aruba Muscle & Classic Car Club (AMCC)

ta di luto y kier a extende
nos mas sincero
palabranan di condolencia
na famianan y amigonan
di nos miembro

Sra. Francisca

"Chica" Werleman.

Na bida compaÑera di nos president

Sr. Erick Leon.

Cu Chica sosega na Paz den reino di señor.



GRADICIMIENTO Y INVITASHON

Pa medio di esaki nos kier a gradici tur esnan cu di
un of otro manera a companja nos y muestra nan
attenshon durante y despues di fayecimento di nos
bunita y estimada Mami, Wela y Bisawela,

Theresita Ras

carinjosamente yama "SITA"

*Entierro a tuma lugar den seno familiar manera
tabata e deseo di defunto.*

Gradicimento ta bai na Olive Tree, pa nan bon
servicio, durante nos oranan difcil. Na tur esnan cu
a manda flor, yamadanan y esnan cu tabata
presente durante entierro.

Un gradicimento special tambe ta bai na Dr. Becker
Y staff, Dr. Keizer(neuroloog) y team, Piso 4 Cardio
di Hospitaal. Wit Gele Kruis y Edmond Harms
foundation. Nos disculpa si a lubida di expresa nos
gratitut.

Na tur ruman, famia completo, amigonan, bisinjan,
y conocirnan cu a apreciele Semper. Ex coleganan
di Sociale Zaken, y Un danki grandi na Galactica
Team,

Na number di su dos juinan,
Marusca Scharbaay-Harms, Johnny Scharbaay,
Ervan y Romy y Alessandra
Janine Leertouwer-Harms, Johan Leertouwer,
Sven y Sjovi y familia.

**Alaves kier a invita pa un Santo Sacrificio di
Misa na Noord, Diasabra, Maart 22, di 7 - 8:00
PM, sigi pa un Rosario na cas.**

Cu mami drumi dushi, nos ta miss e hopi mes.

**Pa chica Pos - Habri tubería y wc.
Servicio lihe y confiabel.**

Experiencia ta manda

CICLONE
Septic Tank Service

Tel: 564-0607 / 734-0607

TA FURA
ELMA UPHOLSTERY

Matras, box busca mainta y
haye atardi! Set di sala, tv
chair, sienta auto.

Tel: 565-5577

Macapruimstraat # 1L

TA CHAPI

Corta mata.

Ta tira sushi afo. Nos
ta hardineria completo
na super bon prijs.

Tel: 569-8003

CONSTRUCCION
REMODELACION

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccion di cas
y apto bon prijs. Free quotation.

Tel: 561-2137

DIRECTV

A miho T.V. na Aruba,
movies, sports, kids,
news & more.

Yama awo cel: 733-5762
DirecTV cambia bo vida

NOS TA CLA PA YUDABO
YAMA AWO

Roof repair, welding new and
repair, painting industrial,
painting house, building,
carpentry new and repair, all
around maintenance. Call now
743-8155 di 8'or pa 5'or pm.

Driftwood
Restaurant N.V.

Tin mester di

Cook helpers

Tuma contacto na
583-2515

Island Marine
Supply N.V.

Tin mester di

Marine Diesel Motor
Technicians

Tuma contacto na 733-5436

DIARIO

Pa noticia, cumpleaños,
comentario, redaccion:

noticia@diario.aw

Tel: 582-6747



LUCKY GROUP OF STORES

Hisense

70" 4K UHD SMART LED TV



Hisense
FULLY AUTOMATIC
WASHING MACHINE

23
KG

1529.00



SAMSUNG
SIDE BY SIED
REFRIGERATOR

DIGITAL
INVERTER
TECHNOLOGY

23
CUFT

2599.00

DAIKIN

SPLIT UNIT AIR CONDITIONER

12000
BTU
110V



Hisense
TOP MOUNT
REFRIGERATOR

12
CUFT

1179.00



SAMSUNG
FULLY AUTOMATIC
WASHING MACHINE

17
KG

1199.00

LUCKY ELECTRONICS

HAVENSTRAAT #27 TEL:-582-9630 / 6610420

Valentine Special



IPHONE 16 E

661-0420

SAMSUNG

GALAXY A06



Special Price **\$159**




WATCH SERIES 10



661-0420

Facial Roller



Special Price **\$20**

Massage Gun



Special Price **\$40**



Easter Egg



3.95



Water Bottle

5.95

Kitchen Scale



64.95



Folding Chair

22.95

Mini Easter Egg



3.95

Easter Bucket



3.95

Frying Pan



6.95



Laundry Dryer

54.95

Easter Bucket



6.95



Garden Bag

3.95



Garden Set

850.00

Kids Curtain



15.95

LUCKY SUPER STORE
JOHN G EMANSTRAAT #71 TEL:-582-3001

LUCKY FAMILY STORE
SAVANETA #490 TEL:-582-0034

LUCKY ELECTRONICS
HAVENSTRAAT #27 TEL:-582-9630